



Mc 4150


~~24~~



SIdr0011426

Biblioteka Jagiellońska

Mc 4150



- 1, Oratio Cronveri pro auctoritate ecclesiastica.
- 2, Casimiri Vrsyni auf Ruffien.
- 3, Confederationis Articuli.
- 4, De Polonica electione.
- 5, Alexander Vrsyni Vergleichung.
- 6, Rudolphi II oratio.
- 7, Oratio nomine Johannis III.
- 8, Sigmund Sigismundi.
- 9, Consilium de recuperanda pace Polonicae.
- 10, Morientis Poloniae servandae ratio.
- 11, Datum P. Biskupski Wierzbicki.
- 12, Lud Casimiri Lioznicki etc.
- 13, Electio Saxoniae Electoris.
- 14, Von Polnysen "Wapn Starb" Mayen.
- 15, Manifest der Könige de Conty.
- 16, Datum in curia Varsoviensi.
- 17, Glossa über das von Könige Alexander ausgesetzt, Manifest.
- 18, Pierre Alexiewicz à l'Archevêque de Suéde.
- 19, Dr. Eysenpfen May. Demonstration.
- 20, Consilium de recuperanda pace Polonicae.
- 21, Oratio de rebus Polonicae.
- 22, Von dem Polnysen Interrogat.
- 23, Election de Stanislas Leszynski.
- 24, Instrumentum Denunciationis.
- 25, Ein Brief von dem Polnischen Kaiserlichen Volkswort beauftragten Brief.
- 26, Theodor Potocki Manifest.
- 27, Brief aus dem.
- 28, Ein Brief von dem Polnischen Kaiserlichen Interrogat.
- 29, Ein polnisches Interrogat.
- 30, Ein jährige Confederation.
- 31, Gravamina.

9/9
CONSILIVM
DATVM AMICO
DE
RECUPERANDA
ET IN POSTE-
RVM STABILIE-
DA PACE REGNI
POLONIÆ.

In quo demonstratur, pacem nec
constitui, nec stabiliri
posse,

quandiu JESUITÆ in Polonia manent.

Conversum ex Polonico in
Latinum.

8
M N N O

—
clō lō c VII.




PRÆFATIO.



NON Diogenes olim, viri Proceres, civibus suis sub publico periculo variè occupatis, dolium versando, ne otiosus esset, fecit, id mihi hoc afflicto Reipub. tempore, patriaque laborante, vobisque de publica salute consultantibus, faciendum putavi, idque non fallendi otii causa, sed ut civis indigena patriæ meæ, quantum per tenuitatem possem, talentulo hocce meo subvenirem. Illud quantulumcunque sit, obnixè rogo, ut pro vestra benignitate boni consulatis: & si lubet, animis vestris perpendatis: ac malis Reipub. patriæque justis remediis subveniatis. Medicorum autem more si quis per Prognostica, indicia, & varias circumstantias morbos Reipub. consideret penitus, agnoscet faciliè eorundem genuinam substantiam, immensam magnitudinem, & admirandam planè varietatem. Deinde si morborum publicorum causæ interius & foris diligentius perpendantur, primam certè, & omnium maximè principalem, Jesuitarum exquisitissimas artes, & astutissimam omnium sibi subjectorum ad conatus suos promovendos DISPOSITIONEM, faciliè cordatus quisque deprehendet: adè ut quicquid uspiam malorum in Repub. nostra præteritis annis acciderit, magna ex parte solis illud Jesuiticis artibus imputandum veniat: Quamvis ne illi quidem excusandi sint, quorum negligentia veneno huic concessum fuit tam propè ad cor Reipub. penetrare: Et nisi maturè remedium huic Reipub. morbo applicetur, & acerrima illa bilis ex ægro & ferè non absumpto Reipub. corpore removeatur, nullum est dubium, quin de salute patriæ nostræ actum sit: ita ut in posterum (quod Deus avertat) de funere Reipub. citius sit cogitandum, quàm de salute restituenda.

Et quia morbus ille inveteratus satis acutè patriam nostram hactenus affligit, curatio ejus nulla alia suscipi, inò ne cogitari quidem poterit, nisi causæ illius malo sine cunctatione de corpore Reipub. agro à radice removeantur hoc est, ut Jesuitæ, eorumque dispositoriæ artes à Regno Polonia prorsus eliminantur. Nam si ex aula Regia tantum, aut ex aliquibus civitatibus depellantur, sive etiam in ordinem redigantur, in monasteria occludantur, &c. Reipub. corpus integræ sanitati nunquam tuto poterit restitui. Dum enim ignominiam inultam Jesuitæ nunquam ferent, recrudescunt protinus Reipub. vulnera, quando isti socii quacunque oblata occasione ad pristinas Reipub. turbandæ artes, tanquam ad professionis suæ unicum & genuinum scopum, astutè recurrent. Vestrum itaque est, Proceres, occasionem præsentem non negligere. Deus & bona causa contra hos socios pro vobis militat: patriæ calamitas à vobis remedia suo jure postulat: Regia dignitas consilium & auxilium expetit: cleri conditio subsidium rogat: senatus autoritas idem requirit: Nobilitatis status restitutionem in integrum urget. Oppressio denique plebis, viduarum, pupillorum vestrum implorat patrociniū. Vos modò, generosa pectora forti constantia sine mora remedium hocce adhibete, egregium munus suscipite. Hoc ut feliciter ad Dei gloriam, Reipub. salutem, & vestri nominis immortalē laudem perficiatis, etiam atque etiam opto.

PETIS



PETIS à me, ut tecum per literas consilia & cogitationes meas communicem. quæ nempe ratione existimem præsentis Patriæ motus sedari, & publicis malis efficax aliquod remedium adhiberi posse. Quæ cura in te mihi, mi frater, vehementer probatur, optoque ut Reipub. tui similes Cives permultos hoc tempore habeat. Utinam verò is egomet essem, qui heic non solum bene consulere, sed etiam præclare facere & efficere aliquid possem: nec tibi nec Patriæ opera isthac mea defutura esset. Nunc autem nosti, quàm curta mihi sit ad res tam arduas dijudicandas suppellex: Et ut multo ab hac parte locupletior essem, quàm me esse agnosco, non tamen video, quis in tanta rerum confusione privato consilio locus superesse possit.

Quia tamen nil impedit, quo minus inter amicos amicè, & si non tam exactè, pro modulo saltem de præsentis statu disquiratur: tuo desiderio, quantum à me præstari potest, satisfacere conabor.

Utque discursus mei exordium è re nata capiam, scire te velim, me, quando literas tuas accepi, hujusmodi fortè auctoris lectioni intentum fuisse, qui inter cetera narrat: Priusquam scientia medica in artis formam redigeretur, Gentibus quibusdam in more fuisse positum, ut agrotos, qui gravius laborabant, in publicum deferri curarent, adjunctis eis certis hominibus, qui prætereuntes percontarentur, Num vel ipsi tale quid morbi experti sint, aut in aliis observaverint? Et qualia remedia, quove successu contra illud sint adhibita. Hac cum mecum animo reputarem, illa mihi cogitationes inciderunt: Faxit Deus opt. max. ut hoc tempore Reipub. Polonica nostrum omnium Matri idem officium ab iis præstaretur, qui pro ejus genuinis Filiis haberi volunt.

Si quæris, quæ ratione hoc fieri posse existimem? sic cogitabam. Eam ut nunc quàm maxime agrotat, in publicum experientia Europæa forum producendam, ejusdemque vicinos, quibus-

Polonia sapere si alieni infortunii eventus ad suam cautelam observaret.

cum hanc mundi partem incolis, sedulo percontandos. Nunquid istius mali, quod ipsam premit & miserrime affligit, ipsimet experti sint, & quibus remediis contra illud usi sint?

Me autem spes certa fovebat, illud non frustra nec citra successum factitatum iri. Sic etenim jamdudum persuasus sum, Presentem morbum, quo laboramus, planè ejusdem generis esse cum illis tumultibus, qui hactenus reliqua Europa Christiana regna concusserunt & gravissime affligerunt. Quorum nempe contagium a meridie & occidente in hunc extremum Orientalis septentrionis angulum ceu vi ventorum ex opposita plaga continuo assantium propellitur. Differentia saltem in eo est, quòd pestis hac Poloniam, post reliqua Europæ regna ferè omnia, ultimum loco invasit. Qua in re benignissima Dei providentia Patrie nostra hoc præ multis aliis contulit, ut comparium suorum eventus & exempla hinc ad imitationem, illinc ad cautelam præ se habeat.

Cum itaq; prædictæ Nationes non solum morbi vim, sed etiam curationis processum sustinendo magna ex parte superarint, quis dubitet, quin ab iisdem optimum malis nostris & efficacissimum consilium petere possimus? Ad quod obtinendum nullis nobis sumptuosius legationibus, nulla exploratorum opera opus erit. cum in tam parata rei libraria facultate, utilitati nostræ abundè jam prospectum sit. Dum in plarisque Nationibus viri exercitatis-
simi, qui malis ipsis interfuerunt, Morborum suorum politico-
rum, & quæ sub ipsis perpeffi sunt, gravissimorum symptomatum
historiam accuratè descriptam in publicum emiserunt. Vbi in-
terdum diversarum partium, ceu dissidentium Medicorum fa-
ctiosas quidem, sed elegantes & eruditas controversias, quas sub
ipsum morbi astum ediderunt, nobis consulere licebit. Quæ
commoditate si tempestivius uti voluissimus, malum, de cujus
sanatione nunc ambigua successus spe deliberare cogimur, for-
tassis, auxiliante Deo, potuisset averti. Cum verò occasio hæc
nobis oscitantibus perierit, bonum esset, si saltem medendi tempus
diligentius observaremus.

Nec turbare nos debet, quod hæc medendi ratio eruditiori-
bus Medicis non admodum probatur: Qui nempe morbi ipsius
naturalem dispositionem considerari, causasq; domesticas, ut ita
loquar,

loquar, expendi, & ad easdem remedia adhiberi jubent. Quem
curandi modum, ut rationi consentaneum, non vituperò: quin
potius opto, ut talis aliquis Esculapius nobis contingat. De
quo ipso tamen spes mihi admodum exigua affulget, cum peregrini
Medicis non immeritò diffidamus, inter nos verò ex mille vix
unus inveniatur, qui à Morbi contagio ita liber sit, ut cum spe
alicujus profectus, cura hæc ei committi possit. Exterorum itaq;
experimenta omnia nobis in consilium sunt adhibenda.

Hujus verò rei modum ut melius intelligas, mearum, quas
jam superius attingi, cogitationum rationes aliquantò dilucidius
explicabo.

Dixi, presentes nostrates turbas ex ejusdem generis morbo
promanare, quo hactenus occidentalis Europa periculose labora-
vit. Hoc ita velim intelligas. Certum est, omnes Europæ tu-
multus & intestinas passionibus ab hisce 40. & amplius annis per
Executionem Concilii Tridentini excitatos esse, & ex eadem or-
tum traxisse. Si forte ballum Balthicum, quod inter Scardia
reges ante annos 36. gestum est, & nuperrimum Brunsvicen-
sium tumultum excipias.

Hæc inquam est illa presentis seculi Pandora, ex cujus fatali
pyxide omnes Europaorum intestina calamitates hactenus mihi
scaturire videntur, ita tamen ut eas non tam ipsa Concilii execu-
tio, quàm executionis modus pariat.

Hoc fortè ulterius tibi vis declarari? sic igitur habeto: Exe-
cutionis modus in duabus præcipue rebus hactenus fuit repositus.
Primum sedulo annexi sunt, quibus hæc cura incubuit, ut illos
Reges & familias, quorum in Europa hoc sæculo præcipua est
autoritas, secum invicem adunirent, & sic adunitos ad Concilii
Tridentini executionem estimularent. Et hinc est illa famata
Catholicorum unio.

Deinde ut per certos & qualificados homines impedimenta,
quæ vel in politiis politiarumq; formis & legibus, vel populorum
moribus negotio huic obstarent, quasi è via removerentur.

Hæc ratione prædictæ Concilii executio fuit instituta, quan-
tum nimirum ad generalem conatum attinet. Opus profectò
magnum & arduum, quod melioribus Mundi temporibus pe-
culiari fortuna afflatu opus habuisset, quodq; ipsius Alexandri
M. victo-

Fatalia hujus
seculi Europæ
mala Poloni-
am serò inva-
dunt.

Executio
Concilii Tri-
dentini capi-
talis scaturigo
omnium tur-
barum Euro-
pearum.

Modus Exe-
cutionis
Tridentinæ.
I.

II.

M. victoriosum genium frangere & defatigare potuerit. Nunc autem pro ratione presentis Europae status infinita conatui huius & longe robustissima impedimenta extra ordinem fuerunt obiecta. Quibus tamen non obstantibus, res ab iis, quibus hoc per praedicti Concilii conclusionem mandatum erat, fortiter & ingenti nixu tentata fuit: sed eo haecenus eventu, ut meliora ista turbas quidem longè maximas & valde horribiles ubiq; gentium in vulgus pepererint, ad exitum tamen nusquam perducere potuerint.

Vnio Regum
Catholico-
rum ejus-
demque fru-
ctus.

Regum enim adunitio partim per connubia, partim per confederationes, pacificationes & similia media tentari cepit & promoveri: In tanta tamen nationum regnorumq; Europaeorum discrepantia ferè consecutum est, ut pro ea qua sperabatur unitione, infinita autoribus difficultates, subiectis autem populis varia molestia emergerint. Cum praesertim Reges ipsi, qui se interdum ad praedictam Executionem obtulerunt, negotium illud tam sincerè nunquam tractarent, ut sub ejusdem praetextu non sua privata commoda quarerent. Sicuti non ita dudum in Gallia licuit perspicere, quando Philippus Hispanus partium Catholicorum (hunc enim cucullum factio illa induerat) patrocinium & defensionem visus est suscipere: Ibi inquam vel tandem apparuit, eum sub hoc obtentu Galliae regnum affectare. Cum enim animadverteret, plerosq; factionis illius procures ab Imperio Hispanico abhorre, oblitus persona, quam agendam susceperat, manus auxiliatrices retrahere cepit, ut qui videret, se spe sua frustratum. Id quod Sixtus V. tempestivè odoratus est, illudq; agerrimè tulit.

Talia autem plura exempla adduci possent ex iis etiam, quae nos aliquanto propius tangunt. Ex his ergo personatis & male fidei Regum molitionibus in unionis istius agro perpetuum simultatum copiosissimam segetem adhuc succrescere videmus, per quas praedicta executionis negotium, per se haud facile turbatur, & Nationes iis, de quibus dictum est, difficultatibus implicantur.

Idem ferè in reliquorum impedimentorum remotione accidit. Cum enim Tridentina reformationi non solum diversus religionis sensus, per universam jam Europam latissimè sparsus, sed

etiam

etiam Nationum, populorumq; privilegia, libertates, leges & mores obstant, illa citra tumultum ne moveri quidem potuerunt. Quae omnia tamen a praeservidis ingeniis, quibus haec Provincia non citra delectum demandata erat, non solum mota, sed acriter commota & vehementer perturbata esse constat. Hinc ergo turba, hinc simultates, hinc odia, hinc dissidentia cum reliquis fatalibus Furiis, quibus nostro tempore status politicus infestatur, cœu ex Orco proruperunt. Id quod omnes Europae nationes, quae haec pestis pervasit, saniora voce profitentur: hanc & non aliam calamitatum suarum causam omnes, qui citra morbi affectionem judicant, summo consensu allegant.

Videamus nunc ergo num malorum nostrorum Polonicorum eadem ratio sit, & num eidem generali causae ascribi queant. Id quod multis forte difficulter persuadebitur. Ego tamen illud constanter assero, & assertionis meae has probationes assero.

Certum est, Clerum Poloniae non minus haecenus laborare, ut Concilii Tridentini decreta intra regnum executioni mandentur, eorundemq; observationi omnes subiciantur, quam in plerisq; haecenus Occidentis partibus laboratum fuit.

In hunc enim & non alium finem mox post ingressum moderna Regiae Majestatis in regnum Synodus illa Petricoviensis celebrata fuit: quam cœu Filiam Poloniae Medea illa Tridentina peperit. Ex cujus vultu prudentiores jam tum secutura in regno administrationis omen capiebant. Cujus etiam Decreta plerisque vel eo saltem nomine suspecta fuerunt, quod tanto studio occultata fuerunt & suppressa.

Sed nec illud cuiquam dubium esse potest, ab his ipsis primo loco diligenter curatum fuisse, ut reges Poloniae praedictae Unioni implicarent, eosdemq; cum Domo praecipue Austriaca quam arctissimè conjungerent. Ex qua nimirum conjunctione maximum ad praedictae Executionis promotionem emolumentum sperabatur: Ut quae ad subditos in utroq; Regno magis perterrendos & in ordinem redigendos permultum factura videbatur, quantumvis consiliis illis longè aliud pallium obduceretur.

Harum vero rerum praxis post infelicem illam expeditionem in speciem quasi renovata fuit, ubi nonnullorum studia valde conspicua extiterunt. Eorum videlicet, quos praeter jam dictas

Tridentinae
reformatio-
nis effectus in
ipsis regnis.

Executio
Concilii Tri-
dentini, quo-
modo in Po-
lonia insti-
tuta.
Synodus Pe-
tricoviensis.

Suecia amica.

B

causas

causas Suecia amissa invidia urgebat, qua nempe ordinem suum premi sentiebant. Qui propterea omnem lapidem moverunt ut novis Regum amicitias accepti infortunii sensum nonnihil mitigarent.

Austriaco-
rum studia
Polonis su-
specta.

Veruntamen ut inter vicinaria regna ferè fieri consuevit, Austriacorum studia nostratibus semper suspecta fuerunt, ideoq; pro hac etiam vice ad Agentium illorum consilia promovenda tantum non contulerunt, quantum speratum fuerat. Cum praesertim praeter vulgares illas Regum regnorumq; vicinorum similitudines & dissensiones, alia non pauca quotidie intra & extra regnum inciderent, quae huiusmodi conjunctionem Reipub. nostrae minus commodam, ipsis etiam Civibus formidabilem efficerent. Per ejus itaq; attentionem nil amplius effectum fuit, quam ut inveterata suspiciones periculosius recrudescerent.

Quod ipsum etsi iis, qui hac agitabant, non ignotum esset, se tamen adeo non passi sunt impediri, publicamq; indignationem tam securè contempserunt, ut tanto potius confidentius in proposito perrexerint, illudq; tandem per fas & nefas ad exitum conati sint perducere.

Hic ergo molitionum jam antea suspectarum tam importunus fervor, eum tandem eventum sortitus est, ut offensa Nobilitate regnum factionibus mutuaq; dissidentia impletum sit, & Rex ipsemet subditis, subditi vero Regi suspecti esse ceperint. Quam nostri proximam & compendiosissimam esse ad Reipub. dismembrationem & interitum viam. Et hac ratione prius illud Executionis Tridentinae turbataq; Europa medium satis inter nos, ut opinor, efficaciter operatum est.

Ad alterum quod attinet, Popularium nempe obstaculorum remotionem, tu non negabis, opinor, In hoc regno majora & robustiora eis objecta fuisse & adhuc objici, quam in ulla Europaea Natione. Concilium enim Tridentinum inter nos, ut quidem nunc res sunt, ad effectum, quem ipsi cupiunt, perducere nullo modo potest, nisi aut Hispanica Inquisitio, aut quiddam quod Inquisitioni illi aequi valeat, in regnum introducatur. Per quod nempe Polonia ad Hispanismi aliquam similitudinem redacta, praedicta Executioni opportuna reddatur. Patria vero nostra ea corporum animorumq; libertate hactenus utitur, qualem fortissima nationes

Tridentini
Concilii ex-
ecutio circa
libertatis Po-
loniae praeju-
diciū perfici
nequit.

nationes & generosissimus quisq; sibi optare poterit. Quis ergo ergo non videt, quam duro collisione hac inter se committi oportuerit? Postquam in primis libertas illa, quatenus animum praecipue & conscientias concernit, non ita dudum per Confederationem publicam denno & quasi extra ordinem confirmata est?

Confederatio publica
Executionis
istius obex.

Quamvis autem Hispanicam Inquisitionem nemo nobis haecenus aperte & ex professo conatus sit obtrudere, quod intelligerent, hoc citra periculum vix posse tentari: Via tamen ad huiusmodi aliquam imperiosam coerectionem variis artibus paulatim & quasi per cuniculos parata est, sensimque muniri cepit. Eo nimirum adhibito artificio, quo rem citra omnem mutationis sensum Practicantes illi se consecuturos sperabant. Tam cautè tamen & circumspicte incedere non potuerunt, quodq; agebant, tam probe nunquam potuit dissimulari, ut rerum e diametro pugnantium tamq; asperarum vel levis agitatio non ingentem flammam vel tandem eliceret. De quo ipso, prohi dolor, oculorum aspectus hodie testatur.

Hac a me omnia verissimè dici ipsemet optimè nosti, & fatebuntur hoc illi, qui rerum nostratarum aliquam saltem noticiam habent, quiq; actiones nostras Comitiales ab aliquot annis vel è longè spectarunt. Nec dissidentur hoc ii, qui in partibus adhuc inter nos eatenus haerent, ut & Concilium Tridentinum amplectantur, ejusq; studiosa, per legitima tamen media, executioni faveant.

Adhuc ergo perspicuum est, Reipub. nostra mala non solum ex iisdem causis quibus reliquorum Europaorum regnorum tumultus sed etiam ex eodem operationis illorum modo proficisci.

In his igitur tollendis & amovendis opera nostra occupari debet siquidem ordine procedere, Matrisq; nostrae cum aliqua spe salutis opem ferre voluerimus.

Scio tamen quid tu heic dicere possis & haud dubiè disturus sis, Me videlicet hac differendo, Morbum ferè incurabilem ostendere, cum harum rerum studio, Concilii praesertim effectuose Executioni potissima pars Regni implicata sit, ut curatio ipso morbo difficilior, adde & periculosior futura videatur.

Non est de nihilo quod dicis, noviq; egomet multos prudentes viros in eo tibi consentire: Existimo tamen omnia opinione tua

faciliora fore; si primum inter res ipsas earundemq; abusus, deinde inter personas, à quibus illa tractantur, accuratè distinguatur.

NB.
Austriacæ
familia affi-
nitas Poloniæ
per se nec in-
utilis nec in-
honestæ.

Ad res quod attinet, nec Austriacæ Familia, inter Europæas haud dubie eminentissima, nec quorumcunq; exterorū Regum & Principum cum nostris Regibus legitima & sincera conjunctio per se vel Nos vel Rempub. nostram in minimo lædit: sed eidem potius prasidio & ornamento futura esset, si à Practicantibus illis ad sinistras suspiciones non tam densa nostratibus occasiones præberentur.

NB. Eadem ferè ratio est Concilii Tridentini: Ab hujus enim executione nihil turbarum nobis esset metuendum, si modo ita institueretur, ut intra legitimum docendi modum consisteret, missisque aliis parum convenientibus practicis eventus Deo committeretur. Non igitur res ista per se, sed earum abusus & perversus tractationis modus Rempub. lædunt, & has in prasentia difficultates nobis pariunt.

NB. Hac itaq; in rebus dissidentia si observetur, inter ipsas etiam personas manifestam nobis discriminis rationem ostendet: Ut nempe non omnes eos, qui prædictis rebus manum quocunq; modo admovent, pro veris calamitatis nostræ autoribus habeamus, ut curationis, de qua dicturus sum, actum ad omnes & singulos extendi oporteat: sed eos tantum qui prædicti abusus præcipuam culpam sustinent.

NB. NB.
cum †.

Iesuitarum
conatus &
fervor omni-
um intra Re-
gnum exceff-
uum prima-
ria causa.

Si quæris, Quinam illi sint? Respondeo, si eorum, quos in hisce rebus periculosa experientia longo tempore erudit, consentiens testimonium admitteret. Si præterea ipsam rerum evidèntem inter nos experientiam in consilium adhibere volumus, JESUITAS & INSTITVTVM JESVITICVM pro iis nobis necessario esse habendos. Hi inquam, sicut in supradictorum consiliorum executionali praxi primas sibi ubiq; arrogant: Ita alteram ejus, & quidem odiosissimam & nostrarum imprimis rerum respectu perniciosissimam partem extra ordinem sibi suaq; actualitati desumpserunt. In qua agitanda ita hætenus versantur, ut quod in hisce consiliis pessimum est, præcipuè arripiant, arreptum pejus efficiant, & vim ejus malitiosam per subjectum Reipub. corpus quo jure quave injuria quasi transadigere & per partes applicare conen-

conentur. Ut sic prorsus sentiam, si uni Iesuita non essent, Nos aut turbas hujusmodi nullas habituros, aut si qua forte, ut ex consensu reliquarum partium Europæarum, oborta fuissent, eas multo facilius minoriq; periculo consopiri potuisse.

Hoc verò cum illud ipsum sit, de quo inter nos quam maxime controvertitur, judicii hujus rationes tibi aliquanto accuratius erant demonstrande. Quod ita faciam ut tibi primum ad oculum demonstrarem: Instituti Iesuitici, si per se consideretur, eam esse rationem, ut libera Reipub. valde inimicum & adversum Libertati vero Polonica imprimis formidandum sit. Deinde vivis aliquot exemplis ostendam, quam periculose secta hac statim Politicū hinc inde per Europam turbavit. Tertiò, objectiones nonnullas diluam, quæ sententia huic à contrarium sentientibus ferè opponuntur.

Quæ tria si à me demonstrata fuerint, quartum quod principaliter intendo, sua sponte sequetur: Iis nempe qui Rempub. restitutam & salvam cupiunt, præcipuè operam dandam esse, Ut Iesuitæ & Iesuitismus extra regnum eliminentur, quo sic remotis hisce curationis interturbatoribus certa aliqua & firma pacis stabilienda ratio iniri queat.

Ad primum quod attinet, in eo tria considero: Ipsam Ordinis politiam: Finem ad quem tendit: Operationes sive praxin, per quæ hunc finem conatur assequi.

Politiā si penitus introspeciemus, fatendum nobis erit, eam in hoc genere accuratè dispositam, firmissimam & ad res magnas gerendas aptissimam esse: Ut parti cui se applicaverit, permultum prodesse queat. Generalis dispositio purè Monarchica est, forma nimirum politia, ad movendum & agendum commodissima. Monarchica dispositionis nervi in hisce rebus consistunt: Capite primum uno regitur, deinde hoc ipsum caput uni etiam loco, urbi nimirum Roma alligatum est, ubi perpetuò residere cogitur. Quæ res sectæ huic inter alia hoc præstat, ut uno certo & uniformi aere perpetuò regatur, & vegetetur, Romani nempe consistorii afflatu, prout nempe is ab iis, qui Roma omnia possunt, afficitur. Disciplina deniq; forma Institutum hoc longè arctissima utitur, quæ cives ejus ad cæcā obœdientiam (sic ipsimet loqui consueverūt) astringuntur, in tantum, ut minoribus in nulla Majorum vel

1. Consilii hujus
præcipua de-
monstratio-
nis capita.
2.
3.

4.

Instituti Ie-
suitici politia

Disciplina
ratio.

absurdissima imperia inquirere liceat: nedum ut aliquis ea de-
rectare ausit. Qua obedientia in Orbem Europaeum haecenus
optimos. Et plane desperata audacia sicarios progeniit: idcirco
Ordo iste à nonnullis cum Assassinarum instituto comparatur,
quod in Asia olim à Saracenis contra Christianos fuit introdu-
ctum.

Hac ergo formam illam Monarchicam constituunt, consti-
tutam firmissimè constringunt, adeoque faciunt ut actiones ejus
efficacissima sint, Et ceu cuneus quidam penetrent.

1. Illa verò hanc compactionis soliditatem adjuvant, eandemque
Basis Instituti Iesuitici.
2. solidiorem efficiunt: Quod primum communis huius basis
perfixam illam Generalis sedem Romana sedis & consistorio, ut
dictum est, quasi affigitur & implantatur. Deinde quod ean-
dem Hispanico Imperio similiter inserunt, dum inter septem
Generales, qui sibi huc usque, si rectè memini, invicem succe-
runt, neminem elegerunt, qui non vel natione, vel ditione Hispa-
3. nus esset, quae res non caret mysterio. Tertiò quòd ex tot diversis
Clericorum ordinibus soli ferè Iesuita ab utriusque Fori ordinaria
jurisdictione exempti sunt: Ut nullum prorsus in Nationibus
nisi sui corporis Superiorem agnoscant, qui plerumque Italus aut
Hispanus est. Ut sic Ordo Iesuiticus ab omni juris coercitione
4. solutus inter nos liberrimè versetur, suisque molitionibus securè in-
cumbat. Quartò quòd etiam in subdelegatis Imperiis haecenus
diligenter cavent, ne in Nationibus Provinciales unquam ex in-
digenis eligant, sed vel Hispanis vel Italis dignitates illas confe-
runt, aut saltem iis qui ex Anglia, Gallia &c. propter facinora
aliqua profugerunt, & propter nimium Hispaniae studium ex
5. praedictis Nationibus proscripti sunt. Seniores verò, Rectores &
Nobilitas Po-
lonica ad coe-
cam Iesuita-
rum obadi-
entiam pa-
rum idonea.
Polonia Ie-
suiticum
nutrit, Hi-
spania & Ita-
lia eodem u-
tuntur.

Haec igitur ad Monarchicum robur iterum perquam multum
faciunt,

faciunt, incursum Iesuiticis impetum certissime dirigunt, & secta
huius ad consiliorum suorum executionem invictam planè & pe-
netrantem constantiam praebeant.

Porro huic ipsi Imperii Iesuitici forma per subordinatarum di-
gnitatum distinctos gradus variasque species egregie contra omnes
Monarchia incommoditates & vitia prospectum est: Ut si ex hu-
mano sensu iudicetur, ei neque à tyrannica oppressione, nec seditiosa
dissolutione ullum periculum sit extimescendum. Quod ipsum
etiam praedicta Sodalitati ad res gerendas miram corporis agilita-
tem conciliat.

Quarum rerum omnium illustre documentum nobis historia
postremi motus Galliae praebet, ubi compertum est: In illa despera-
ta totius Regni perturbatione, ex solo Iesuitarum Ordine Nemi-
nem, ac ne unum quidem Iesuiticum Individuum fuisse, qui Rei-
pub. partes secutus esset: Cum contra ex omnibus aliis Clericorum
ordinibus permulti Regias Rei publicae partes fideliter tueren-
tur. Hispano autem hi ipsi Iesuita tam pertinaciter adhaeserunt,
itaque fervide studuerunt, ut factioni ejus pro anima aut potius pro
corde fuerint: De quo vulgo dicunt, quod in corporis humani
structura sit primum vivens & ultimum moriens. Praedicta sane
factio prius opprimi non potuit aut eradicari, quam Iesuita regno
exigerentur. Quod fidele & perdurans robur Instituto huic in
tam variegata hominum colluvie nil aliud praestat, quam ea quae
haecenus de Poltiae forma diximus.

Num verò haec talia sint, à quibus sibi Respub. Polona metueret
debeat, tibi cogitandum relinquo. Ego interim Factionem Ie-
suiticam inter nos non aliter aestimo, quam agilem quendam &
acutum gladium, cuius lamina quidem in vaginam Polonicam
recondita sit, sed ita ut capulum Romana Aula & Hispanus ma-
nibus teneant, & sic eum ad nutum suum vibrent. Id quod In-
stitutum huius proprius finis aliquanto clarius docebit.

Hic autem & ipse quiddam singulare & ab omnibus aliis
Monachorum ordinibus diversum habet. Omnes enim aliorum
Religiosorum Ordines in hunc finem ut plurimum inventi & ap-
probati sunt, & eo tendunt, ut popularis devotio per eos augeatur.
Religio Romano-Catholica magis splendeat & Ordinis spiritua-
lium pomeria dilatentur, &c.

Iesuita

NB.

Iesuitismus
cor Factionis
Hispanicae in
Gallia.

NB.

Finis Instituti
Iesuitici.

Jesuita verò etsi hisce rebus & ipsi pro virili studeant, sui tamen principalis finis longè sublimiorem scopum sibi præfixum habent. Qui nempe est, *Ut Romana Ecclesia sive Imperii Ecclesiastici collapsam auctoritatem, non solum recuperent, in quo studio reliquos clericos commilitones habent: sed ut subjectum præcipuè Europa Orbem ita corrigant & reforment, ut hujusmodi insultus, quos res Romana hæctenus est perpeffa, in longum præaveant: sublatis & quasi obstructis omnibus occasionibus, per quas antehac Hæreticis ad eandem oppugnandam aditus præbitus fuit.*

Molitionum
Iesuiticarum
in hisce regio-
nibus præci-
pua impedi-
menta.

Quas occasiones norunt non aliunde densius emerfisse, quàm ex subditorum in hisce septentrionalibus regnis, nimia, ut quidem Roma semper visa est, libertate, illisq; barbaris legibus, quibus hæctenus ita firmatur, ut Inquisitionis Hispanica intentatum jugum constanter repellat.

Horum igitur remotio & annihilatio Iesuitis per quartum illud & sectæ huic proprium votum extra ordinem injuncta est. In hunc finem tot extraordinariis privilegiis, bullis & Indultis instructi & muniti sunt, ut non solum agendi facultate reliquo clero universo præpolleant: sed jam ipsis Episcopis & superiorum Prælatorum ordini graves & formidabiles esse incipiant. Nec ego dubito quin gens Iesuitica aliquando Romana Ecclesia horrendi schismatis occasionem præbitura sit. Interea in his ipsis rebus specifica differentia consistit Iesuitismi, per quam à reliquo clero discernitur, ejusdemque genus quasi transcendit.

Iesuitismi
specificus
character.

Cum verò hoc ipsi constanter negare consueverint, vivo illud exemplo tibi demonstrandum est. Inter Venetos & Pontificem hoc maxime tempore controversia intercedit super quadam Ducatus Ferrariensis particula, quam Veneti, ut audio, ante annos 130. aperto bello sibi acquisiverunt: Itemq; super constitutionibus quibusdam, quarum renovandarum occasionem Magistratui Veneto præbuerunt Iesuitarum artes testamentaria. Pontifex autem eas in fraudem Ecclesiæ factas conqueritur.

Venetorum
cum Ponti-
ficis contro-
versia.

Veneti hoc nomine à Pontifice compellati jure suo cedere nolunt, sed palam præferunt, sibi in sua ditione supremam jurisdictionem, & sic etiam legum ferendarum potestatem, non autem Pontifici competere &c. Quo animadverso Pontifex Excommunicationis fulmine eos territat. Senatus hoc cognito Clerum suum

suum convocat, juxta Reipub. eidem exponit, Pontificiaq; Excommunicationis iniquitatem demonstrat, eos deniq; pro auctoritate hortatur, ut curato officio Excommunicationem pro nulla habeant, &c. Quid sit? Antiquus clerus unanimi consensu Reipub. causam contra Pontificem probat & de fide sua prolixè pollicetur: Recentiores verò Religiosi, quorum nempe regula presentis temporis conditioni accommodata sunt, Ducibus Iesuitis Reipub. causam damnant, stationemq; suam deserunt. Quamvis Iesuita Magistratus edicto nominatim expulsi & in æternum relegari perhibeantur.

Hoc autem Iesuita non aliam ob causam fecerunt, quàm quod viderent, se stante & defensa Reipub. Venetæ libertate stantibusq; legibus nec stare nec instituti sui finem obtinere posse. Quod ipsum sane discrimen illud, quod inter Iesuitas & quoscunq; alios Clericos constituimus, satis evidenter probat & confirmat. Tu ergo nunc, mi Frater, cogita, quid de Polonia nostra futurum sit, si inter nos omnia illa removeri debeant, ut profecto illa remota cupiunt, per quæ in finis istius adeptione impediuntur? Adhuc de Fine.

Videamus nunc Media sive praxin, per quam ad scopum illud perrumpere conantur, & hac ex iis, quæ jam dicta sunt, facile intelliguntur. Hoc nimirum conjuncta opera fervidissime agunt, ut primum Reges Europæos, quotquot possunt uni cuiusdam Fœderis illigent: Cujus Fœderis principem & directorem constituunt Hispaniarum regem, Aurei istius velleris possessorem & custodem. Ad cuius videlicet nutum reliqui se applicare cogantur, sub hac conditione, ut qui conatibus ejus quacunque ratione intercedit aut quàm minimum adversatur, de hæresi suspectus sit, & prædicti velleris periscelide indignus censeatur. Sed regnorum septentrionalium ea ferè est ratio, ut ad Legum præscriptum, non autem ad absolutum Regum arbitrium regantur. Ideoq; regiarum Personarum confederatio parum illis prodesse poterit, nisi etiam subjecta regibus regna in eandem Unionis massam concludant. Atqui hoc opus hic labor est: Cum heic eis infinita, ut jam dictum est, difficultates obijciantur, quocirca etiam opera illorum heic præcipuè enites & omnium maxime conspicua est. Sic autem res suas hoc loco disponunt:

Praxis Iesuitica.

C

Primum

1.
Accipiter Ie-
suiticus non
nisi in Aula-
rum pinnis
nidificat.

2.

Primum omnium hoc sedulo curant, ut in Aulis se insinuent. Hunc enim nidum hoc genus accipitrum sibi ubiq. prastruere in-
que eodem ova sua deponere solet, priusquam ad venatum evo-
lent. Iesuita etiam ibi peregrinus sibi & exul, immò capituli di-
minutus videretur, ubi ab Aula arceretur. Fixo heic pede,
ulterius operam dant, ut clavum Reipub. in suam potestatem re-
digant, id est, ut vel Regi Reginae ex suo corpore Confessarium,
vel saltem Heredi regio Praeceptorem dent. Aut si hac non sem-
per succedit, illis dominantur, quorum in Reipub. administratione
praecipua partes sunt & vires. Vtq. horum affectus, cupiditates &
designationes penitissimè cognita & perspecta habeant: qua vide-
licet esca unusquisq. alliciendus & captandus sit. Ad hoc autem
feliciter perficiendum Romana Aula, quicquid auctoritate, quic-
quid opibus, quicquid artibus & consilio valet & potest, Genti
hinc liberalissimè, ut jam dictum est, indulget. Adeo ut Iesui-
tarum commendationes Roma ad consequendas dignitates & pra-
bendas plus valeant, quàm potentissimorum Regum intercessionem.

Qua unica res, si cetera abessent, ad corrumpendas omnes,
OMNES dico, Europa aulas, abunde sufficeret, sicut eventus prob-
dolor testatur. Quamvis hoc etiam tibi advertendum est, Genio
Iesuitico extra hoc quandam à natura occultam vim inesse, qua
Ingeniis aulicis imperat & dominatur.

Ut autem de occultioribus Gentis huius artibus, quas in predi-
ctis politiarum officinis exercent, nil dicam: Duo sibi ibidem po-
tissimum paciscuntur. Primum ut ipsorum mellificatio ex hac
Reipub. Arce non impediatur. Vtq. deinceps adversariis suis
nullus eò refugium pateat, illorumq. querela, si quas eò deferent,
vel prorsus negligantur, vel quoquo modo eludantur. De his duo-
bus quamprimum Iesuita cautum est, ipse deinceps sibi ad reliqua
perficienda sufficit.

Constructo & firmato hoc nido, pabulatores suos quaqua ver-
sum emittunt, suamq. venationem hac ferè ratione institunt:
Primum operam dant, ut in primariis Regni aut Provinciae Vr-
bibus Seminaria, collegia, templa quàm plurima, tanquàm instan-
tis Messis sua horrea, exstruant. Per hac autem duo consequun-
tur, qua eis ad finem suum, de quo diximus, valde proficua existunt:
Regnum primum universum his cen unguibus apprehendunt, &
ita

Iesuitarum in
Aulis postu-
lata.

3.
Iesuitarum
venatus.

ita constringunt, ut ad suum nutum illud, quoties res ita postulat,
cum singulis partibus circumagere queant. Quod ut facilius con-
sequantur, seminaria sua in praedictis urbibus, ita plerumq. con-
struunt, ut suis aedificiis ipsa urbium moenia complectantur, ea-
demq. sibi noctu diuque per via faciant. Ut in arcibus, quibus Cra-
covia, Vilna, Calissii, Posnania &c. habent, videre licet.

Nec ego Gentis nostrae supinam negligentiam & incuriam sa-
tis heic admirari, aut pro rei indignitate sufficienter derectari pos-
sum: Quod ad huiusmodi periculosa & Reipub. praedicta
substructiones non solum connivimus: sed ad easdem materiem
ceu propriis manibus conessimus. Cum sic existimem, si Rex ali-
quis tale quid machinaretur, universam Remp. contra eum in-
surrecturam. Et his exterorum Venatorum indagatoribus in
nostris nemoribus tantum licet?

Deinde eadem opera juventutem nostram, spem posteritatis,
ad suum cerebrum, dispositis & recoctis animis, regnunt, & sic
inter nos Novi & Iesuitici Mundi sementem faciunt. Dum
autem intra Regni urbes hoc ita agunt, qui ad hac donis idoneis
sunt instructi, reliqui concionibus popularibus & audiendarum
confessionum operosissimo simul & questuosissimo artificio pro vi-
rili student. Quarum artium effectus iterum duplex est: Plebem
enim primariam, ut ille loquitur, hac ratione paulatim suam
faciunt, factioniq. vires adjiciunt. Provisoribus deinceps qui
Camera sive Arario praesunt, viam ubique muniunt, ut in o-
mnia publica & privata bona aditus eis pateat.

Et heic mihi latissima sermonis valva se aperiret, si auctupia
illorum, quibus illi homines, Mulierculas praesertim, circumve-
niunt, explicare vellem. Cum verò instituti & occupationum
meorum ratio mihi habenda sit: illud saltem praterire nolo, in
quo etiam secta huius à reliquis Religiosorum ordinibus differen-
tia aliqua perspicitur. Quod nempe Iesuita vulgaria illa munu-
sacula, qua vulgò in Religiosos erogari consueverunt, non curant,
nec ea capiunt: Quod hoc eis sordidum & reliquo Ordinis splen-
dori minus conveniens videatur. Aquila enim currucam non
captat. Et ipsi aliàs, ut exercitati Practici, benè norunt, Pecuni-
am in loco negligere maximum interdum lucrum esse. Noviq.
egomet simulationem hanc aliquando eò usq. processisse, ut obla-
tum se. auctupiarum Vngaricorum precium repudiarent.

NB.

Polonorum
in fovendis
Iesuitis pra-
cipuum pec-
catum.

4.

Iesuita saga-
ces aucupes.

Propter pas-
serem rete
non attra-
hunt.

Iesuitarum
araria,

Hominum verò opulentorum testamentaria legata, & cum his integra predia adeo non fastidiunt, ut eo potius fraudum exquisitissimarum artificio illa aucupentur, ut Polonia, in hac etiam publica morum corruptione, vix quicquam simile exportata sit. Hinc ergo istis pecunia neglectoribus, qui suam gratuitam operam nobis tam officiosè deferunt, illi regales inter nos Proventus, quos cum reliquis suis arcanis in Maiore Polonia Calissii, in Minore Cracovia, in Russia Lublini, Vilna in Lithuania, Poltorvii in Masovia, & Braunsberge in Borussia deponere & custodire dicuntur. Hac inquam imperii Iesuitici inter nos araria publica sunt & Charitaphylacia. qua si hoc tempore excuti deberent, Poloniam haud dubiè de status sui qualitate rectius instruetura essent, quàm tot hactenus tumultuosa scrutinia prestare potuerunt. Et hac de Praxi Iesuitica.

Hac itaq; de primo designationis meae capite, de politica nimirum Instituti Iesuitici protuà instructione sufficiant. Tuum nunc erit cogitare, num is fallatur, qui Iesuitas Polonis, Reique eorum publice vehementer formidandos & sedulo cavendos censet. De narrationis autem meae veritate novitibi melius, quàm mihi ipsi constare.

Praxis Iesuitica
Ordini
præcipuè
Politico fatalis.

Supereft nunc, ut qua in genere de gentis natura & moribus proposita sunt, per particularia exempla comprobentur, adeoq; demonstretur, quàm periculosa harum rerum praxis Ordini Politico fuerit, quod secundum erat propositionis meae caput. Hoc ipsam verò per domestica & nostra experientia documenta satis copiosè explicari possit & demonstrari: spero tamen in exterorum historia rem magis conspicuam fore, quod illorum casus extra factionum affectus positi, & sic ad instruendū aptiores sint. Ideoque exemplis immorabor.

Virtutis Iesuiticæ
illustre specimen
in Galliis.

Inter plurima verò documenta, vix quicquam illustrius est eo, quod historia ultimi tumultus Gallia suppeditat: Ex quo nempe perspicitur, quantum Iesuitismi genus contra statum regium ad ejusq; eversionem possit. Res sic habet: Regni Gallie ea est conditio, ut à prudentia politica studiosè ferè pro optime politica norma allegetur. Et quamvis in eo nobis cum ipsis non per omnia conveniat, certum tamen est, eam firmissimam esse: Siquidem ad absoluta Monarchia formam quam proximè accedit:

dit: Contra tyrannidem tamen & seditionem iid legibus, & Parliamentorum auctoritate, illa demum sanguinis regii reverentia corroboratum & firmatum est, ut his solis rebus hactenus in vitium perstiterit.

Et quantum ad sanguinis regii observantiam attinet, Galli vulgò aliquid præ reliquis Nationibus in hoc affectu putantur habere. Illorum sanè regia familia vetustior est quàm ulla Europæa. Contra hanc tamen firmissimam, ut Henrico 3. haud dubiè videbatur, Arcem, Iesuitica impressionis cuneus tantum valuit, ut quod in Galliis hactenus inauditum erat, Rege in ordinem redacto, Familia regia auctoritatem ita penitus prostraverint, ut & Personam regiam neci dediderint, & infensissimè Gallis nationi ad invadendum regnum viam longè lateq; complavissent. Et nisi peculiaris & penè miraculosa Dei providentia conatibus eorum tam evidenter obstitisset, rem ea deducturi videbantur, ut Galli prodita regia familia, qua inter eos per annos pluriq; 600. jam altas radices egit, ut omnes ferè principes familias complexa sit, Gallici nominis perpetuum hostem & annulum sibi Regem associassent. Idq; sanè multo majori miraculo, quàm si nobis antehac Demetrium suum Moscoviticum obrassissent.

Heic autem ut magis perspicuum fiat, quomodo Instituti istius genius erga statum Politicum sit affectus, ex tot illorum molitionibus, quibus Henricum illum subverterunt, unum saltem, sed valde insigne illorum stratagemata heic producam, cuius hac est ratio.

Sub initium prædicti tumultus, quæstio illa in Gallis agitari cepit, Num pontifex R. Gallie populum, à fidelitatis jramento, quo Regi suo obligatur, in casu hæreseos absolvere possit? Ex hac oriebatur aliera huic admodum affinis. Num cuilibet privato liceat Tyrannum propria auctoritate occidere? Intelligis, opinor, quantum Regis statumq; regii & universæ Reipub. in horum problematum decisione intersit. Et quid putas Apostolos dicturos fuisse, quando Hierosolymis primum Concilium sub præsidio Spiritus sancti celebrabant, si Religiosus aliquis cum huiusmodi quæstione coram eis apparuisset. Neque tamen in Galliis controversie ista novæ erant. Ad priorem enim ventilandam Pontificum olim cum Gallia regibus perpetua litigia perennem materiam suppeditaverant.

NB.

Quæstiones
in Galliis à
Iesuitis motæ
deciliæ.

Iohannes
Pratus.

Posterior verò ante annos plus minus 200. post eadem tempore Ludovici Aureliani in Sorbonistarum collegio publicè agitata & solenniter decisa erat. Viraq; semper constantissime fuit negata, adeò ut posterioris assertio & assertor Iohannes Pratus, ni fallor, in Concilio etiam Constantiensis ex agro damnati fuerint.

Pro hac autem vice eadem quæstiones Galliam ad eum modum immutatam invenerunt, ut bona pars Cleri & cum his totus Iesuitarum ordo utriusq; assertionem probaverint, revocata & annihilata Majorum suorum perpetua sententia: non aliter quam si novus interea Mundus successisset.

Iesuitarum in
disponendis
animis pecu-
liare artifi-
cium.

Huius verò immutationis Iesuitas precipuos autores extitisse, ipsa Sorbona post res sedatas publicè professæ est: Et Iesuita idem non obscure agnoscunt, dum inter causas, propter quas olim Pontificia excommunicatio contra Gallia reges minus efficax fuerit, hanc nominatim exprimunt, Quod Gallorum animi tum non sufficienter dispositi fuerint. Hoc est, quod tam acres seditionum concitatores non habebant, quales hodie Iesuitici concionatores sunt & Confessarii.

Hæc igitur Iesuitarum decisio (non tamen absq; Deo) Henrico necem attulit, & contra Parricidam absolvit, eumq; Ehu-do isti Israëlitarum liberatoræ equiparavit. Quale nihil in ulla Christiani Orbis parte, inde à religionis incunabulis auditum, scriptumve est aut lectum.

Tyrannus
quis secun-
dum Iesuitas.

Ubi tu tamen, ut rei indignitatem melius perspicias, notare debes, Sectam hanc Tyranni, ejus nempe, quem ab unoquoq; privato impune occidi posse contendunt, definitionem sibi suaq; discretionem reservasse. Secundum quam is nobis pro huiusmodi maturationis pecude habendus est, qui quacumq; ratione in Romani Pontificis indignationem incidit, & ex Iesuitarum sensu excommunicatur. Id quod ideo heic addendum fuit, quod in alterius quæstionis formatione ab ipsis insidiosè additur, In casu hæreseos, ut hoc nempe fuso perfidiam suam in supremum Magistratum increpant. Cum constet Hæreticos illis esse, non qui pravas in religione opiniones sectantur: sed qui Iesuitarum artes quocumq; modo impediunt, aut ipsis non per omnia obsequuntur.

Sicut vel ex Venetorum exemplo intelligere possumus, quos

hæc

hæc secta per universam Italiam pro-pestilentissimis Hæreticis proclamare dicitur, ideo saltem, quod latis, seu potius, renovatis legibus Iesuitarum cupiditati frenum injecerunt, & quod forte etiam (de quo mihi constat) Inquisitoria potestatis libidinem intra nimis arctos carceres concluderunt.

De Henrico, verò certum est, eum, dum vixit, nullius uspiam erroris ab ullo Catholicorum insinulatum esse. Constat etiam eum in Catholico-Romana communione usq; ad extremum perstitisse. Furoris autem, quo eum persecuti sunt, hæc vera causa fuit: Quod sceptrum regium non ei tradere volebat, quem sibi hi Socii, tanquam idoneum molitionum suarum administrum, Gallia Regem destinaverant.

Henrici 3.
hæresis.

Tu ergo nunc iterum vide, Annon per hoc Iesuitarum decretum omnium Europæorum Regum & quorumcumq; Magistratum Politicorum mors & vita ab arbitrio Iesuitici heroscopo suspendatur? Vt si hic illis dextrè ascendat, ipsi vivant & valeant, sin minus, pereant? Qua de re prædicta Venetorum calamitas, Regis Britannia perpetua pericula, & illorum omnium metus, qui hunc Ordinem sibi infestum sentiunt, abunde testantur. Venetorum tamen exemplum præcipuè conspicuum est, quod Respub. illa, ut dixi, Romano-Catholicam religionem hætenus, tanquam Imperii sui Palladium, accuratè observet & acerrimè tueatur.

Magistratuum
pericula.

Quæ exempla quoties expendo, toties exhorresco, cum videam quam facile sub presenti rerum statu inter nos simile quiddam in alterutram partem accidere possit, postquam in primis Gentis Iesuitica ad huiusmodi aliquem effectum tam pertinaces & fervidi conatus ab aliquot jam annis inter nos deprehenduntur.

Sed heic fortassis dicere voles, Inter nos nihil ab hac parte esse periculi, quod Iesuitis cum Regi nostro probè conveniat, &c. Mallem te dicere posse, Regi nostro cum Regni ordinibus & his cum regia Majestate probè convenire. Hoc enim ad Reipub. salutem aliquanto utilius, & ad securitatem nostram firmitus & efficacius esset. Nunc autem hoc abs te verè dici agnosco, neq; tamen hoc ipsum sollicitudinis meæ causam tollit, sed eandè potius auget. Ecquis enim certò dicere poterit, quod hoc Regi nostro perpetuum futurum sit, ut Iesuitis tam propitiis utatur? Quid si is ali-

Regis vita &
quæ ab hac
pendet Regni
fortuna Ie-
suitarum af-
fectui obno-
xia.

quando

quando deprehensis illorum artibus, à quibus cum hætenus plarique nequiter circumventum existimant, animum mutet, & potiorum Reipub. respectum habere incipiat, ecquid tum eam sperare iubeamus? Annon tempus fuit in Galliis, quo Henricum 3. ex Polonia redeuntem Natio hac eo applausu exoptabat, ut laudum ejus praconio exsatiari nequirent, discedentes: Huic uni Individuo omnes Constantinos & Carolos Magnos, omnes Ludovicos &c. inclusos esse. Hunc fortissimum, felicissimum, Christianissimum & invictissimum Christi athletam, Ecclesiae Catholicae protectorem, Haereticorum malleum & pavorem à Deo Galliis provisum? Quid verò hac omnia cum tandem juverunt? Cum hic projecta assentationis affectus paullo post ita prorsus in contrarium mutatus sit, ut eum non solum occidi curaverint, sed occisi cadaver, quantum in ipsis fuit, sepultura prohibuerint: Ipsumque Parricidam in Divorum Catalogum retulerint.

Sed esto, inter nos tale nihil metuendum sit in praesentia, quis verò noverit, qualis in posterum Regum rerumq. nostratum status sit futurus? Nostrane itaq. Matri ita consulemus, ut tam ambigua fructificationis semen scientes intra Reipub. viscera retineamus, tanta cura foveamus & ad posteros propagemus? Quis, inquam, sanus nobis suadebit ut fortunas nostras tam ambigui eventus alea committamus? Vt nempe Respub. non diutius salva sit, quam quousq. Regi Reive publica cum Jesuitis probe convenit? Vt tunc demum nobis securis esse liceat, quando nihil inter nos est, quod secta huic offensionis causam praeberet possit?

Dixi quanta vis sit aculei Jesuitici contra Reges statumq. regium, quoties hunc molitionibus suis obstare intelligunt. Heic autem te notare velim, ejusdem pestis non minorem efficaciam esse in oppugnanda & expugnanda Reipub. atterendis legibus, quoties nempe sentiunt, se ab his in instituta sua venatione impediri. Et quod ad Leges attinet, ha politica tinea illas precipue arrodere consueverunt & exedere, quibus jus successionis in regno continetur, libertasq. & pax publica firmatur.

Qualem in Galliis precipue invenerunt legem illam Salicam, Matriculam & fundamentum illius Regni, per quam stirpis regia mascula proles, exclusis femellis, ad regnum sola admittitur.

Cujus

Jesuitismi
genius ipsis
Legibus in-
festus.

Lex Salica in
Galliis.

Cujus legis vigore successio Regni post interfectum Henricum 3. ad Henricum 4. Regem tum Navarra devolvebatur. Quod ipsum cum secta Jesuitica suum interitum interpretaretur, tantum efficere potuit, ut Galli hoc Reipub. sua fundamentum ipsimet subruere conarentur, asscita contra hanc legem Philippi II. Hispaniarum Regis filia, quam ex Henrici 2. Galliarum regis filia susceperat, in regni sui heredem. Operis totius promotoribus & internuntiis Jesuitis. Quod autem Galliis Lex Salica praestat, hoc Polonia adhuc Regum juramenta conferunt, per quae hætenus Reipub. libera electionis jus conservatur. Quam periculosè verò hoc etiam libertatis nostra fulcrum ab hisce tinea arrosam sit, egomet dicere nolo, nec publicum dedecus ipsemet divulgabo. Ejusdem virtutis illustre specimen coram oculis nostris in vicina Hungaria, Austria, Styria, Carinthia &c. ediderunt. Eo nimirum successu, ut obtritis legibus, quibus praedictarum nationum & provinciarum libertas nitebatur, partem earum penitus oppresserint, partem ad extremam desperationem adegerint. Hoc quidem rumor publicus hætenus constanter affirmat, in praedictis Provinciis alicubi illustribus & antiquissima nobilitatis familiis publice diem dictum esse, intra quem se aut coram Jesuitarum tribunali fistant, aut relictis patriis sedibus alio migrent: quae res faetori isti male vertat.

Heic ergo jam, mi frater, quæro, si forte res in eum casum deveniat, ut regiam Majestatem Jesuita inter nos vel nunc vel posteris temporibus ita colant, ut eandem contra Reipub. contra leges & libertates nostras incitent: Vt quando hætenus coram moderna Regia Majestate, Pacem religionis, unicum illud furoris Jesuitici repagulum, ita traducunt, ut eam Tartaricam & Mahomedicam perfidiam nuncupent, quam Regia Majestas citra eterne salutis suae jacturam nec approbare possit, nedum ut eandem tueri debeat &c. quam inquam tu mihi spem facies?

Novi tamen quid etiam heic nonnulli excipiant, Non esse videlicet tantopere admirandum, si Confederatio illa fortassis non omnibus probetur, sub qua nimirum tot abominanda secta quotannis inter nos suppulent, &c. Age itaq. cedamus eis (quod tamen citra Reipub. praedictum sit) hoc jure, quid verò ad il-

D

Ind

Homines no-
biles sedibus
pelluntur,
quod Jesuitis
geniculati
nolint.

Pacem reli-
gionis Jesuitæ
ut canes lapi-
dem proje-
ctum admo-
dent.

P. Scarga
cum Rege
expostulatio.

lud mihi respondebunt, quod in proximis Comitibus Varavia Dominica Misericordias Domini anno 1606. ex P. Scarga ore audivimus, quando is converso sermone ad Regem sic eum alloquebatur: Eheu Rex, quorsum jam nobis res, tua intempestiva conniventia reciderunt? Reges olim Poloniz de rebus ad Rempub. spectantibus cum solis Senatoribus deliberabant. Nunciorum istorum terrestrium, quos vocant, nulli in hisce rebus partes erant, ut qui nō ita dudum introducti sint. Nunc verò tua & quorundam Majorum tuorū socordia res eò, pro dolor, deducta est. ut quàm primū feroculus aliquis Domicellus, qui se pro Nuncio forte terrestri gerit, votum suum proponit, omnes ei protinus assurgere cogantur &c. Tuum, tuum erat, o Rex, hujusmodi perverfas, quæ contra antiquos mores inoleverunt, consuetudines cohibere &c. Vbi etiam manibus cernitū indicavit, quid fieri velit, Summa nimirum papavera demetienda esse.

Hunc igitur Tubicinū istius aulici tenorem si reliqui tribules ita persequerentur, ut ad istorum consiliorum executionem operam & vires suas Regi aliquando in auxilium offerant, ecquid de nobis de quo nostra illa hactenus illibata libertate futurum censet?

Disputatur hodie inter nos de modo potestatis regia, itemq; de Reipub. in Rebus ad regni salutem spectantibus autoritate. De hac autem controversia quid Iesuita sentiant non est obscurum. Regi nempe regiaq; Majestati, quandiu in conatibus ipsorum promovendis constanter pergit, tantum adjectum cupient, quantum Henrico 3. olim & ejusdem successori Henrico 4. propter oppositam rationem detraxerunt. Quomodo verò vice versa in Rempub. animati sint, P. Scarga jam nos docuit, & tu nos adhuc dormire velle?

Hac igitur etsi palam inter nos practicentur ita ut animi affectus citra ruborem ipsimet in publicum prodant, sunt tamen qui Iesuitarum inter nos patrocinium suscipiant, & omnia sedulo cōquirant, quibus hac sub aliqua probabilitatis specie vel prorsus negari vel saltē palliari & excusari quocunq; modo posse cōfident.

His igitur deinceps nonnulla respondenda sunt: nam hoc tertium nobis designationis nostra caput constitutū fuisse meministi.

Qui itaq; Iesuitas omnium fervidissime propugnant, primo loco

Iesuitarum
nequitia suos
ubique ap-
plausores in-
venit.

loco Catholicam religionem allegare consueverunt, à cuius interitu sibi metunt, si in Iesuitas gravius aliquid deberet statui. Estq; hic defensionis Iesuitica longè splendidissimus & maximè plausibilis pretextus, ad quem amplificandū congeruntur Ordinis istius res gesta, Barbarorum nimirum infidelium sub utroq; Mundi axe, sicut & Hereticorum in hisce partibus plurimorum felicissima cōversio. Quibus hodie inter nos adduntur divini illi & miraculosi gentis illius successus in Moscovia, & augusta spes, quàm ex illo tractu & nobis & Romana Ecclesia ostendant &c.

Ad hac igitur quid dicemus? Hac nempe, Primò heic admitti cogor, quibus rationibus sibi persuaderi patiantur, Catholicam religionē citra Iesuitarum operam in Polonia consistere non posse, is qui credunt, Romano-Catholicam religionem, qualis illa nunc est, paullo minus quàm mille quingentos annos per Orbem durasse, antequam Ignatius Loyola in terris natus est: Ita videlicet ut in nostra etiā Polonia tot centenos annos egregie floruerit? Deinde dico, Christum & Apostolos inde ab initio non solum religionis propagationi, sed etiam aeternæ ejus conservationi per sufficientiam mediæ abundè prospexisse. Vt Ecclesia quàm diu in veritatis tramite simpliciter incedit, nullis novis & extraordinariis Mediis opus sit. Hi autem non Iesuitas, quod quidem ego sciam, sed Episcopos, Presbyteros, Doctores, Pastores, Diaconos, &c. ordinant: Istorum verò officiorum cum non solum nomina, sed etiā persona inter nos supersint, quibus illorū cura demandata est, quis dubitet, quin hi, dummodo officium faciant, religionem recte sint curaturi ut maximè Iesuita in Polonia nulli sint? Tertiò ulterius sic dico, Religionis curam & propagationem Iesuitica designationis minimā partem esse: quàm nimirum ipsi amplius non curant, quàm quatenus pretextus illius eis ad principalem Institutioni sui finem, de quo dictū est, viam munit. Id quod vel hinc apparet, quod inter vos partes docendi in Ecclesia inferioribus fere committuntur, ut primicerii huius ordinis & qui ingenio prestant, illis, quas diximus, sublimioribus artibus in Aulis liberius vacare queant. Quarto experientia testatur, quod etiam virorum doctissimorū, quos vel Iesuita ipsi pro Catholicis coguntur agnoscere, talento confirmatur, Iesuitas religioni Romano-Catholica intra Europam magis obstatisse, quàm ut eandem promoverint. De quo

Religionis
Romano-
Catholicæ
conservatio
& propaga-
tio.

Qui putant
Religionem
citra Iesuita-
rum operam
consistere
non posse,
ordinarium
Clerum pu-
dende igna-
vix arguunt.
Iesuitæ reli-
gionis pre-
textu pro il-
lice utuntur.

aliquot inter nos prestantissimorum virorum, ex ipso etiam Ecclesiastico Ordine, querimonias me non semel audire memini.

Hoc ipsum vero cum multis prorsus incredibile videatur, his illud rationibus ulterius declaro: Ad experientiam quod attinet, negari non potest, solius Iesuitica bilis praeservida astui imputandum esse, quod Romano-Catholica religio hodie in amplissimo Britanniae majoris regno tanto studio premitur & opprimitur, ut nunc etiam post exactos Iesuitas, Sacerdotum secularium usque penitus priventur, & sic Regis clementissimi beneficio gaudere nequeant. Eandem calamitatem Catholici ante annos non adeo multos in Scotia Iesuitarum culpa perpassi sunt. Cum enim illorum nonnulli in Regno illo Conjuratorem cuiusdam, qui contra Regem Scotiae in Hispania à P. Crichtonio Iesuita instituta erat, tabulas hinc inde inter Catholicos clanculum circumferrent, quibus illi subscribere debebant: Re prodita, Ex primaria Scotia nobilitate complures, qui hactenus cum columna religioni Romano-Catholica in praedicto Regno fuerant, extremum vita fortunarumque omnium discrimen adierunt. Sed & reliqui Catholici omnes cum ipsa religione, cui Rex antehac non admodum adversari videbatur, in iustissimum Regis odium incurrerunt: Ea ratione, ut in hunc usque diem miseri illi facinoris Iesuitici poenas luere cogantur. Et quid aliud Hungaros & Transylvanos non ita dudum ad eum modum exacerbavit, ut una cum Iesuitis omnes Catholicos sacerdotes, quos nancisci potuerunt, male tractatos ex sinibus suis expulerint, quam importunus ille Iesuitarum fervor? Dum hi supremi Magistratus autoritate & favore freti, praedictarum Provinciarum reliquas libertates tanto impetu invadunt, ut incolae, qui hactenus omnia pertulerant, has ultimas Iesuitarum injurias perferre nequiverint, & extrema potius remedia arripuerint: Ad quod eos haud dubie vicinarum Provinciarum perspecta calamitas animabat. Nec ego dubito quin inter nos etiam rebus turbatis Catholica religio magnum aliquod infortunium constaturum sit, siquidem diutius inter nos conversari debeant. Cujus rei cum inter nos tum alibi haec abundantissima causa est, quod hic livor illa, quae nobis tanto opere commendatur, docendi facultate non contentus, machinationibus suis publicam Magistratus autoritatem praeferat. Quae res ut

Calamitatis
Catholicorum
in Anglia
immediati
autores Ie-
suitae.

res ut forte plebeculam territat, ita cordatiores quosque vehementer offendit, studia eorum suspecta facit, & quod iniquissimum est, Magistratum, sicut & ipsum Clerum, publico odio exponit, ejusdemque autoritatem subditis contemptibilem reddit. Hac igitur Catholica religionis damna si cum profectibus comparentur, quos Iesuita intra Europam in ejusdem propagatione fecerunt, tantum fortassis vix superfuturum est, ut gloriabunda illorum jactantia respondeat.

Veruntamen ut hujus etiam infortunii culpam eis condonemus, si doctrinam Iesuiticam per se & extra hos excessus aestimemus, in eadem nihil, quod tanto praconio dignum sit, deprehendatur. Religio enim vel voce, vel honesta vita conversatione vel scriptis propagatur & defenditur. Vacis ministerium Conciones & audiendarum confessionum artificium comprehendit. In Concionibus Iesuita ut plurimum subtiles, disertis & in concitandis affectibus acres, vehementes & impetnosi esse consueverunt: ut imbecilles & incautos animos movere & percellere possint. Hasce autem qualescunque dotes, quae in sincera pietatis schola non perinde aestimanda sunt, corrumpit & cordatioribus suspectas facit, primum Elocutionis sive actionis (hanc quidam hypocrisis vocari dicunt) gesticulatoria levitas, nimirumque suadendi sermonis studium, & qui sub hoc praelucet, ardentissima ambitionis affectus. Quorum utrumque, nescio quid non Apostolicum sapit. Deinde deformat eas ista inexhausta calumniandi & convitiandi libido, quae plerumque in adversarios debachantur. Idque tantum ut plebis animos incendiant & exasperent: Cum interim adversarios, quos lucrari debebant, magis indurent. Me quidem haec ita offendunt, ut vilissimi pagi parochum interdum concionantem audire malim, quam qui in universa Polonia inveniri queat, disertissimum Iesuitam.

Ad confessionarium artificium quod attinet, non inficias eo, Decipula hoc venationis Iesuiticae praecipuum instrumentum & perquam commodum rete esse. Neque tamen hoc ipsum tam caute hactenus disponere potuerunt, ut illa omnium arcanorum perscrutatio peccatorumque interdum non satis pudicum examen, cum satisfactionis illa insidiosa, multoties etiam avara impositione non plurimos offenderit & à Catholica communione ita repulerit, ut

Iesuitae quales concionatores.

Decipula Confessionaria.

Iesuitæ & ipsi
de arbore
scientiæ boni
& mali gusta-
vunt.

Scriptio Ie-
suitica.

Iesuiticæ scri-
ptionis effe-
ctus.

ab eadem propter ipsos precipue Iesuitas penitus abhorreant. Quantum ad vitam conversationem, eam quidem ita hactenus instituerunt, ut nimis conspicua illa vitiorum ulcera, quibus Clerus hactenus ad eum modum deformatus, Laiciq; exosus redditus fuit, studiosè vitarent. Neg. tamen in hoc etiam proposito tam constantes aut circumspècti fuerunt ut non in oppositis arboris scientiæ boni & mali fructus se in iisdem proderent. Dum enim ab una parte miraculosam quandam vitam continentiam, angelicam castitatem, religiosam pietatis devotum studium ostentant: ab altera parte profunde avaritiæ tam dira lues & circumveniendarum nobilium Familiarum viduarumq; & orphanorum decipiendorum tam callidum artificiumprehenditur, ut hoc ipsum prudentioribus in hominibus tam religiosis summa admirationi fuerit. Vt interim superiorem artium Iesuiticarum chororum heic intactum relinquamus, de quibus tam multa jam dicenda fuerunt.

Restat scriptio Iesuitica, in qua ferè summus Instituti huius excellentiæ gradus constituitur, nec id prorsus vanum censeretur debet. Negari enim non potest, dictionis Iesuiticæ characterem per se tersum & argutum. Orationem etiam si artificium spectes, floridam simul & nervosam esse. Quæ scriptiõis virtutes ad ille-ctandam & capiendam juventutem non exiguam vim habent, quæ etiam Iesuitas harum precipuerunt admiratione suspicere & sectari solet. Qui verò serio pietatis studio afficiuntur, hec tanto minus curant, quanto in hisce rebus nimia Iesuitarum affectatio evidentior est: non aliter quàm si omnibus veteribus & recentibus Sophistis aut ipsis etiam tabulis palmam vellent præpere. Veritatis autem sermo simplex est & esse debet: Inprimis verò Christiana religionis tractatio huiusmodi fucata & colorata orationis lenociniis averfatur & respuit, tanquam corruptarum prurientium aurium non satis castum delinimentum. Prudentissimi deniq; quique incorruptissimo iudicant, sic sentiunt, Iesuitas suis hactenus argutiis & concitatis scriptis catenis saltem profecisse, ut Catholicos suos inflammatos concitaverint, partem verò adversariam acquerint & obfirmaverint: Vt sic bellum illud religiosum, quæ cæcæ Causæ quodam Europa adhuc amburitur, tanto periculosius exarferis. Quemadmodum nostris ipsimet oculis cernimus.

Quod

Quod autem de barbarorum in utraq; India conversione pro Iesuitis adducitur, illud ex iis locis petiunt, ex quibus aliquis non solum verum dicere, sed etiam secundo mentiri possit. In Polonia præsertim & in illa explorationis difficultate, postquam Castilienses & Lusitani nullum extraneum in illas regiones admittunt. Ideoq; his nil aliud quàm vulgatum illud respondeo: En Rhodus en saltus. De Hereticorum in his terris conversione rem non prorsus nego, ut de qua oculorum aspectus testetur. Opus tamen ipsum non tam doctrina Iesuitica extraordinaria virtuti, quàm argumentorum aureorum & argenteorum ponderi ascribendum censeo, quibus utuntur, quorumq; perennem copiam eis Pontificis Romani favor Aulæ, Polonica jucundus calor sufficit: Inter quæ tamen heic inter nos quandoq; vitrea concurrunt, pro quibus alibi in vicinia, ferrea substitunt. Quod genus conversionis Paulus Apostolus haud dubie everfionem seu potius corruptionem dixisset.

Ad rerum Moscoviticarum successus quod attinet, illi revera nobis hactenus non citra systum ostentati sunt: quorum etiam præcox spes Gentem Iesuiticam ad eum modum infuso, ut omnia sibi deinceps licere putaret. Quæ tamen verò nunc ex iis locis per repetitos nuncios constanter afferantur, te non ignorare credo. Iesuitas quidem audio narrationi huic acerrime contradicere, quod ipsam indicio est, rem ipsorum ibi agi, ut quicunq; eventus (utinam bonus) secuturus sit, non aliis eum quàm ipsis imputare possimus. Interim tu nosti, qualem mentis ab initio, quam primum consiliorum istorum aliquid in vulgus emanavit, de molitionibus illis iudicium fuerit. Ipsi nempe causa in genere melius fundamentum optabam. Deinde rem per se periculi plenam esse aperit proficibar. Meministi etiam me de hisce conatibus Horatianum illud usurpare:

& arma

Nondum expiatis uncta cruoribus,

Periculose plenum opus alex,

Tractas, & incedis per ignes

Suppositos cineri doloso.

Deniq; se præ me semper tuli, si Iesuitæ negotio huic se immiscerent, nullum ejus boni eventum expectandum, hos enim omnia tur-

bant.

Iesuitarum
aurea & ar-
gentea argu-
menta.

Moscoviæ in-
consulta &
periculosa
tentatio.

baturos. Et si res felicissime cadat, Imperium illud ab ipsis perturbatum & motibus intestinis repletum iri, qui nobis tempore fortassis non equissimo negocium fuisse possent, quemadmodum in Suecia nobis non ita dudum accidit. Quam verus autem & falsus in his omnibus fuerim, ipsum tempus revelabit; & tum nos etiam de Iesuitarum in convertendis barbaris studio rectius poterimus judicare.

Iesuitæ juvenutis instituendæ artificiosissimi Magistri.

Religionis Conservatrici propagationi subjungitur Institutendæ juvenutis nescio quod occultum & exoticum artificium, Propter quod Respub. (si utique Ecclesia jacturam hanc negligere possit) Iesuitarum opera carere nullo modo queat. Et hic pretextus superioribus aestimationis pondere non multum cedit, cuius tamen vanitatem viri in omni disciplinarum genere exercitissimi, qui Romano-Catholicam religionem publice profitentur & defendunt, jamdudum Orbi demonstrarunt. Rationibus firmissimis evidenter ostendentes: Iesuitas primum & Iesuitarum Institutum bonis literis & earum restituenti splendori plus offuisse quam easdem promoverint. Ostendentes insuper, Disciplinam Iesuiticam meram corruptelam esse ingeniorum: quorum videlicet aciem retundat, & pro eo quod illa liberali institutione informare & excitare debebat, quendam potius eis stuporem inducat.

Qua de re aliquot inter nos prestantissimos non semel conquærentes audiivi, qui hodie in præcipuis Reipub. muneribus versantur, cum dicerent, se cunctos esse Iesuiticæ institutionis vitia aut peregrinando corrigere, aut eadem postquam jam ad Rempub. animam applicaverant, ipso rerum usu dediscere. Quorum iudicio Experientia astipulatur, cum constet, inter ipsos Hæreticos, quos hac gens nempe pro talibus tractari vult & haberi, Viros inveniri in omni disciplinarum genere exercitatos, qui ad omnia Reipub. munia idonei essent, nisi invidia eos premeret: etsi Iesuiticæ institutione nullo unquam tempore assint. Quomodo cumq; tamen hac se habeant, illud apud me fixum manet: Si quæ Iesuitis hac in parte ab aliquibus tribuantur, omnia verissima essent, & ipsi in Poloniam nostram alteras Athenas importassent, illud tamen nimis vile præcium esse aestimandum, pro patria libertate, quam pro hac opera licitantur. Cum præsertim

erudite

erudite doctrina fructus aliunde non minus commodè, quam à Iesuitis habere possimus.

Hic tertio loco à nonnullis subjungitur, Iesuitas tamen homines esse actuales, quorum in rebus arduis expediendis magna sit dexteritas, eximia fides, &c. Multis hoc in ore est, qui pro Iesuitis nituntur, quos equidem admirari soleo. Quod nempe actualitatem hanc Iesuitis ita tribuant, ut propter illam eos laudent, eosdemq; propterea retinendos & fovendos statuunt. Nimis enim mirabile mihi hæc in Religiosorum tam religioso Ordine epitheton videtur, cum hoc potius Davi alicujus Terentiani attributum sit, qui sua veteratoria calliditate & panurgia omnia turbat & involvit. Ego itaque Polonia Milites potius & Aulicos, mihi vero Servitores actuales, Ecclesia autem Monachos & Religiosos pios, doctos & devotos opto. Veruntamen si quod res est fateri volumus, Epitheton hoc Iesuitis nimis verè competit, de quo totus Orbis, in primis tamen Europa adeo luculenter testatur. Et nos etiam hæcenus actualitatem illorum ita sumus experti, ut si inter nos ad hunc modum diu pergere debeant, de illis Comicum illud rectè usurpaturi simus: Quod si annitantur ex unis nuptiis geminas nobis effecturi sint, duplicato nimirum, quo in præsentia urgemur, infortunio. Sed quid putabimus Augustinum reliquosq; istorum temporum Patres de huiusmodi actualibus Monachis fuisse dicturos? Aut quis etiam in secularibus negociis tam demens fuit, ut in servo nequam veteratorem calliditatem laudaret, aut Exploratoris exteri solertiam ita commendaret, ut eum propterea sibi fovendum existimasset? Te igitur heic etiam scire velim, ingenio præstante & versatili nihil perniciosius esse, si vires suas ad res malas applicet. Ideoq; hanc ipsam Iesuitarum actualitatem egomet inter iustissimas metus nostri causas refero, qua nobis veterum excutere, nosq; ad severam rerum nostratum curam excitare deberet.

Illud autem quod de expediendi dexteritate adjicitur testimonio destituitur. Quid enim egregie natio hæc inter nos præstitit, quidve tam dextre expedivit, aut quod potius bonum non impedit? Nisi forte amissam Sueciam, afflictam Galliam, tentatam Scotiam, Anglicas conspirationes & tot nobilium hominum tragicum interitum, Venetianas practicas, Moscoviticæ tur-

Iesuitæ actuales.

Iesuitarum in rebus turbandis (expe- diendis dicere volebam) dexteritas.

E

bas,

bas, perturbatam Vngariam, oppressam Styriam, Carinthiam, Carniolam & que hactenus in Polonia ediderunt aulica progymnasmata, pro Iesuitica dexteritatis operibus nobis sint habenda? Ad res quidem arduas aggrediendas & invadendas satis adhuc audax est hac secta, audacia verò illius eventus hactenus ubiq; sequitur, ut turba maxima ab illis excitentur: tales nimirum qua citra infiniti ferè sanguinis effusionem adhuc nec fisti nec sedari potuerunt. Quem igitur hac agendi dexteritas delectat, is videat & provideat, ne quid Respub. Iesuitica detrimenti in Polonia capiat.

Iesuitica fides
Polonia in-
utilis.

Nec id quod de illorum eximia fide predicatur certioris fidei est: Quod tamen illis forte persuaderi poterit, qui vel Iesuitarum arcanas designationes prorsus ignorant, vel quibus illi os aliàs ita oblinunt, ut propter certas causas ad eorum palatum omnia dicant & faciant. Quod si tamen aliquis fidem Iesuiticam verbis extollere velit, dico eam, quanta quanta est, totam exteris, & quidem citra ullum boni Polonici respectum, additam esse & arctissime obligatam. Huiusmodi inquam exteris, qui eisi corpore a nobis absunt, consiliis tamen & occultis machinationibus, nimium interdum familiariter inter nos conversantur. Cum his ergo si forte aliqua nobis controversa incidat, ecquid illi nobis de Iesuitarum fide polliceri poterunt? Annon verò in Galliis, Anglia, Scotia, Vngaria, Venetiis satis jam conspicua fidelitatis sue documenta in publicum ediderunt, si ad nostratiam utique cecutimus? Et quid in re manifesta verbis opus est, cum nulla hodie Europa Christiana natio sit, qua non de Iesuitarum perfidia aut satem perfidia suggestionem & excusationem conqueratur, si unam Hispaniam excipias.

His denique à nonnullis additur, Inconveniens esse ut Iesuitas Poloni expellant, cum Galli, qui propter longè graviores causas eos ejecerant, eosdem revocaverint, ubi etiam adhuc citra ullum Reipubl. incommodum vivant, &c.

Gallia Iesui-
tas recepit.

Ego verò novi Iesuitas in Galliam reversos esse, sed quòd à Gallis revocati fuerint, ne ipsi quidem, quamvis multa dicant, facile dicturi sunt. Interim verò artes, quibus se in Galliis denuò insinuarunt, tales sunt, ut propter illas ipsas ejectionem eorum inter

inter nos maturandam existimem. Ex illis enim liquidissime perspicitur, quantum hic genius intra Europam in versando & circumagendo rerum cardine polleat. Sic enim nosse debes, Iesuitas in Galliam non propter aliquem eorum usum, quo regnum illud carere non posset, receptos esse: sed ad vehementissimam Romani P. instantiam. Quem videlicet Rex in tam infida cum vicino potentissimo pace offensum nolebat: Cui tamen serium Catholicismi studium vix probaturus erat, quam diu Iesuitas regno arceret. Interea ne illud quidem dubium est, eos qui Pontifici in restitutione illa promovenda operam suam apud Regem presterunt, majora prægria consecutos esse, quam omnes quicunq; hactenus Reipub. vel inter nos vel alibi militaverunt. Quamvis non desint qui existiment, Henricum 4. hac etiam ratione securitati suae consulere voluisse, quòd aliàs à Iesuitarum insidiis nunquam tutus esset futurus. Quod autem hactenus pacatè dicuntur vivere, id si verum est, admirationem meretur: quantumvis causas gravissimas habeant, cur se in tam recente antecessorum memoria ad tempus cobibeant, sub illius praesertim Regis imperio, cuius auctoritatem, quam sibi rebus gestis comparavit, non immerito verentur & metuant. Quid autem futurum sit, si praesenti rerum Gallicarum capiti aliquid humani accideret, rerumque administratio, ut antehac factum meminimus, ad minorennes heredes devolveretur, facile erit divinare. Cum verendum sit, Galliam tum demum commissi in recipiendis Iesuitis erroris effectum suo magno malo sensuram. Nos verò hactenus causa nulla, per Dei gratiam urget, ut Gallorum similes facti, tam ambigui jactus aleam subeamus.

Iesuitæ cur in
Gallia pacatè
vivant.

Hac fere pro Iesuitis ab iis afferuntur, qui persuasi sunt, nec Reipub. nec Ecclesiam gentis istius opera commodè carere posse. Praeter quos etiam alii sunt, qui eisi Iesuitarum acta omnium minime probent, in eosdem tamen nil gravius statui patiuntur, quòd hoc citra maxima Reipub. incommoda ne tentari quidem posse existiment. Itane ergo Polonis res jam eò redierit, ut aut Iesuita & Iesuitismus nobis tollerandi, omnesq; illorum machinationes cum tam praesenti Reipub. periculo perpetiendae sint, aut extremum rerum discrimen adendum? Vbi ergo

Iesuitarum
religiosè mo-
destiæ parum
tunc
fidendum.

tunc manebunt illa Ordinis istius elogia, quibus ab initio nobis commendati sunt? Quod homines sint innocentissimi, pacifici, quod spiritualibus contemplationibus toti addicti, in quibus Poloni huiusmodi prorsus Clericos habituri sint, quales jam dudum desideraverint? Ab his ergo talibus ecquid nobis timendum erit?

Ego tamen jam dudum novi, Bilem hanc citra molestiam ex Reipub. corpore nunquam evacuatum iri, postquam jam nostra incuria ad viscera tam altè penetravit, ipsasq. precipue vitales partes tam arctè obsedit. Existimo tamen periculum aliquanto minus futurum, quam plerique sibi imaginentur.

Incommoda
quæ Iesuitarum
expulsionem secu-
tura sint.

Pontificis
offensio.

Quæ enim incommoda nobis narrant, quæ Iesuitarum expulsionem secutura sint? Pontifex, inquiunt, & Hispanus gravissimè offenditur. Magna profectò numina, quorumq. via nobis laudè leviter æstimanda est. Quid enim de Polonia futurum existimabis, si Saturnum & Jovem Europaum tam malè dispositos habeat? Ego verò heic servi illius comici expostulatione uti possem, Possum ne scire quot mihi heic Domini perferendi sint? Ne tamen nimis alicui confidens & securus videar, de utroq. aliquid dicendum erit. Ad Pontificis itaq. offensionem quod attinet, de ea quidem nullus dubito, quin nimis certò secutura sit, agnosco etiam eam nobis formidandam esse. Cum verò à Iesuitis longè graviora cogamur metuere, existimo hanc indignationem Polonis non nimium esse pertimescendam. Spero etiam ad eandem avertendam legitima media nobis non esse defutura. Pontifex enim aut bonus est & talis, qui memor sui officii, Regni Poloniae aequè ac omnium aliorum Christianorum regnorum optimum statum promotum & conservatum cupiat. Cum tali itaq. sperandum esset nobis facile conventurum: si nempe missis legatis ei ad oculum demonstraverimus, Rem Polonicam nec cum Iesuitis nec cum Iesuitarum hactenus usitatis artibus diutius consistere potuisse, &c. Nec dubito quin is tempori cessurus & indignationem, si qua oborta fuerit, Reipub. facile remissurus sit.

Aut idem malus talisq. est, qui sua tantum libidini, citra ul- lum Reipub. aut aequitatis respectum indulgeat, omniaq. prius sursum deorsum ferri patiat, quam ut quod malè ceptum est corripi sustineat: Tum verò iram ejus ne curandam quidem existimo. Neq. enim ulla vel divina vel humana Lex Polonos obligat,
ut aut.

ut aut suum ipsi periculum sibi scientes accersant, aut Romani P. injuste sibiq. præjudiciali voluntati se per omnia conforment.

Qua in re si meum tibi iudicium suspectum esset, Majorum exemplis te patiari erudiri, ut cogites, quid ipsi in simili casu fecerint. Nosti etenim, quanta animorum contentione Romani Pontifices olim Crucigeros contra regnum Poloniae defendendos susceperint, quàm atrocia Regibus nostris plarumq. minitati sint. Resq. tandem eò processit, ut circa annum 1456. si Aeneas Sylvii epistolis credimus, Roma Excommunicatio contra Regem, regnumq. Poloniae decreta fuerit. Neq. tamen hisce minis, quantumvis ipsius etiam Imperatoris Friderici 3. indignatio eas acueret, ad eum modum se perterriti passi sunt Majores nostri, ut non potiorum salutis Reipub. quàm indignationis Pontificia respectum habuerint. Ovum autem ovo tam simile nunquam esse poterit, quàm benè Iesuitarum Institutum, mores & actiones cum Crucigerorum ordine rebusq. gestis conveniunt. Nam ortus ratio & occasio ferè eadem utrobique fuit: Vtrumq. institutum ad unum eundemq. finem per diversa saltem media fuit directum: Forma politica exceptis paucis circumstantiis eadem fuit: Vterq. ordo progressus longè celerrimos fecit, dilatataq. per eos Christiana religionis & imperii laudem tulit: Vterq. tandem à seipso ita degeneravit, ut iis, pro quorum defensione instituti fuerant, graves & molesti esse ceperint. Differentia saltem in eo consistebat, quod crucigeri professi Milites erant, remq. apertis armis contra Majores nostros gererent, quorum legitima remedia Polonis nunquam deerant: Hoc verò malum intra viscera nostra harena iis artibus nos oppugnat, quarum Polonia antehac prorsus imperita fuit. Quæ res facit ut existimem, eos nova illius secta institutum omnium rectissime æstimare, qui Iesuitas Crucigerorum spurios dicunt. Cum itaq. Majoribus nostris olim Pontificis nec indignatio nec autoritas obstiterit, quò minus Crucigerorum injurias acerrimè vindicarent, regnumq. tuerentur, cur in simili casu huiusmodi spectris nos terreri patiamur?

Sin tamen hæc alicui forte nimis antiqua viderentur, illi recentius exemplum habent, quod Avorum memoria accidit.

Sigismundus I. quem inter optimos suos Reges Polonia non immeritò recenset, quem etiam Romana sedes adhuc pro genuino

Majores olim
nostri Reipu.
salute nihil
antiquius ha-
buerunt.

Iesuitæ Cru-
cigerorum
spurii.

Alberti Brandeburgici exemplum.

obedientia filio agnoscit & predicat, Albertum Brandeburgicum cum ditione Borussiae in fidem & clientelam suam recepit, tum quando propter abdicatum Crucigerorum ordinem & desertam religionem Romanam non solum à Pontifice, sed ad huius instinctum ab Imperio Romano sub potentissimo Imperatore Carolo V. excommunicatus & proscribitus erat. Aula tamen praecipue Romana fremebat & indignabatur, quod tota Borussia hac ratione ab Ecclesia abalienaretur. Nec Sigismundo parsura fuisset, si Excommunicationis aliquem potentem executorem potuisset habere. Hic enim desiderabatur: quod tamen is suusq; deus tulit. Et quid ego de Regibus nostris dico, cum nostra hac aetas ejusdem magnanimitatis & egregiae fidei in Rempub. illustre exemplum in ipsa Regni Primatu habuerit? Fuit is Jacobus Vchanski, Archiepiscopus Gnesnensis, cui cum Romanus P. Excommunicationis telum intenderet, quod animadverteret, eum in consiliis publicis majorem salutis Patriae, quam sedis Romanae respectum habere: Is se adeo non passus est à proposito dimoveri, ut Pontifici potius rescripserit, se si pergeret ei Reipub. nomine molestiam exhibere, intentatum fulmen in ipsum retoriturum. Quo responso ictus Pontifex Archiepiscopum missum fecit, ut qui nosset hoc ei in Polonia facilius factum quam dictum fuisse. Cujusmodi libertatis spiritum, si ex illius successoribus hodie, sub hac inquam Jesuitica animorum dispositione aliquis sibi usurpare presumeret, ecquid tu de eo futurum putas? Annon ille quanto ocysus ad Patres ire cogeretur? Hac igitur mascula virtutis exempla quoties in Majoribus nostris considero, toties admirari cogor, quae res hodie nostratum Prelatorum animos ita immutarit, ut in multo levioribus casibus tantas sibi difficultates imaginentur. Dum interdum Pontificis nescio quae Regalia allegant, quae inviolata retineri volunt, sed & Regem ita loqui docent: Non aliter quam si Polonia jam duos Reges haberet, unum Cracovia, alterum Roma. Dum etiam exterorum offensiones sapinus ultra modum exaggerant, Reipub. publica se tam difficiles praebeant. Quemadmodum jam aliquoties in deliberationibus de Moldavia, Valachia & tandem etiam Transylvania fieri vidimus. Ideoq; sic tandem existimo, eos qui à Pontificis offensione sibi tantopere metunt, siquidem Jesuita paullo durius tractari deberent, eo ipso satis de-

Clerus Polonicus à Jesuitis corruptus.

monstrare, quam frigide erga Rempub. affecti sint, & suspicionem de se non exiguum praebeant, quod privata commoda illis Patria salute potiora sint. Quales si Majores nostri fuissent, Borussia nobis hodie carendum & in hunc usq; diem cum Crucigeris collatum esset. Sed & hanc scrupulosam in hoc ordine conscientiam nulli alii rei hodie, quam Jesuitica, de qua dictum est, dispositioni debemus.

Vbi tamen mirari cogor, quid hi, qui eis hac in parte eatenus astipulantur, ut Pontificem nulla in re offendi patiantur, posteritati aliquando responderi velint, si nempe illa ex nostrorum temporum historia resciscat, Rempub. Venetam propter repetitas à Pontifice aliquas Ducatus Ferrariensis particulas, & propter improbatas quasdam non maximi momenti constitutiones, pro libertatis sua defensione, Jesuitas ex dominio suo universo expulisse, & intentatam propterea Pontificis excommunicationem, usque ad aperti belli periculum contempsisse: Cum interim Majores sui in Polonia libertatis alumna tam meticolosi fuerint?

Quod si etiam in hisce rebus nos ad eum modum à Pontificis arbitrio patiemur suspendi, Polonorum conditio multo deterior, adde & servilior futura erit, quam ipsorum Moscorum: qui in consiliis de Reipub. nulla alia quam ipsius Principis Reipub. publica Regalia respectant aut attendunt.

Ad Hispanum quod attinet, ego non video, quae ei justa offensionis causa à nobis praebeatur, si nos nostra Reipub. pro rerum nostrarum exigentia pro virili studeamus consulere, citra ullum ejus praedudicium? Cur etiam Regem illum potentissimum magis offendant, quod nos Jesuitas expellimus, quam nos hactenus offendit, quod ipse eos, ut sibi commodos, tam indulgenter fovet? Quid si verò Rex Hispania Rex Polonia audire vellet, (quod equidem quo minus ad libitum consequatur per Jesuitas non subit) num ad cavendam ejus indignationem hoc ei concedendum esset? Si deniq; eo nos demiserimus, ut domi nobis nihil agere aut tentare liceat, nisi quod aureo velleri probeatur, ecquam Rempub. in Polonia habituri sumus?

Verum heic nonnulli adhuc pergunt excipere, Etiam domi & intra parietes multos offensum iri. Cui aliqui adjiciunt, si Jesuitae

Hispani offensio quanti Polonis in hoc casu astimanda.

Iesuitæ extra regnum proscribi debeant; etiam alios, & illos præcipuè Evangelicorum ministros unà exterminandos, &c.

Quibus ferè
Iesuitarum
expulsio om-
nium in-
gratissima
sit.

Ad prius quod attinet, de multorum intra domesticos parietes offensione, ego primùm nescio, quinam illi multi futuri sint, quorum offensionem nobis tam periculosam imaginari debeamus, si præsertim reliqui Cleri securitati caveretur? Cum enim heic nil aliud quàm salus Reipub. ejusq; in longum propagatio quaratur, nemo hinc tumultuandi occasionem habere poterit, nisi forte fortunas suas cum Iesuitis ita conjunxerit, ut cadentibus illis ipse stare nequeat. Et hi ferè illi sunt, qui eis omnium molitionum & consiliorum, forte etiam contra regnum, sunt conscii. Et quamvis verendum sit, eorum plures esse, quàm expediat, ne horum tamen offensio perinde nobis astimanda est. Cum nemo dubitet, quin bonorum, qui Rempub. salvam cupiunt, multò major pars in omnibus Regni partibus futura sit.

Sed esto, ut heic forte aliquid nobis molestia sustinendum esset, num propterea Medicinam respueamus? Qua purgatio agroto unquam tam feliciter cessit, ut non aliquid ex illius operatione torminum senserit? Quod si Iesuitarum expulsione illos fatales tumultus avertere & præcavere possemus, qui hætenus plerasq; Europæas Provincias tam duriter affligerunt, quo de egomet planè sum persuasus; Reine digna censebitur, propter quam etiam incommodi aliquid patiamur? Si publica libertati, si regno nihil periculi est, si privatorum corpora & fortuna in tuto sunt, ecquid tumultuamur? Cur exterorum insidias & conspirationes metuimus? Sin verò hæc omnia nobis ita imminet, ut Iesuitas eorum si non principales autores, perniciosos saltem actores, promotores & internuncios noverimus, ut omnes præseferunt, ecquid amplius cunctabimur?

In puniendis
Pacis publicæ
perturbatori-
bus non per-
sona, sed fa-
ctum respici-
endum.

Ad alios verò, Evangelicorum præsertim Ministros, quod attinet, si in eadem turbata pacis & oppugnata publicæ libertatis culpa cum Iesuitis hærent, nil equidem causæ dicam, quò minus & illi & quicumq; crimini huic quocumq; modo affines deprehendantur, cum eis expellantur. In suspitione enim turbata Reipub. neminem quodcumq; vite genus tueri potest, aut eidem patrocinari debet.

Sed nunquid heic res cum re aut causâ cum causâ conferri poterit?

poterit? Quemnam Pontificem aut Hispanum Ministri illi intra aut extra regnum habent, cui hunc agrum arent aut serant, aut ad quem eis, rebus heic perditis, perfugium pateat? Quales etiam in Aula & circa Reipub. clavum illorum partes sunt, aut in æternum esse poterunt? Aut qua prædia hi in detrimentum Nobilitatis coemerunt, quasve immunitates in fraudem Reipub. consecuti sunt? Et qua etiam illorum vires sunt, propter quas Reipub. formidabiles aut saltem suspecti esse debeant? Quorum divitiæ fere omnes in lacera & detrita ut plurimum Reverenda, ut nostrates loquuntur, & Bibliorum, adde si res lauta est, Augustini codice, nudaq; & numerosa sobole consistit? Ipsi deniq; Evangelium Ministri annon unuscujusq; pagani Præfetti superioritatem agnoscere eidemq; se sistere coguntur? Collatio itaq; hæc prorsus inepta adde & ridicula est.

Sunt fortassis & alia qua pro Iesuitis ab illorum fautoribus nobis objici possent, sed ea vix majoris momenti erunt, quàm quæ hætenus allata sunt. Ideoq; hæc tibi sufficient, ut ex quibus reliqua facile dijudicare poteris.

Ex his ergo, quæ hætenus demonstrata sunt firmiter tandem concludo: Iis qui hoc tempore Rempub. restitutam, sanatam & in posterum salvam cupiunt, si ordine procedere, si laborum suorum fructum aliquem sibi polliceri volunt, ante omnia operam esse dandam, ut Iesuita extra regnum abigantur: sed ita ut ab actos obdito pessulo reditu prohibeant.

Expulsa autem & expurgata hac acri & arrovente bile, Morbis nostratis paroxysmus in genere & paulatim lenietur, reliquæ partes affectæ, Clerus præcipuè, sanabiles & tractabiles red-
Expulsionis
Iesuitarum
qualis effe-
ctus speran-
dus.

Quandiu verò hic Incendii febrilis fomes intra Reipub. viscera retinebitur, nulla nobis salutis & securitatis spes relinquitur. Quodcumq; enim machinabimur, quibuscumq; emplasmatis vulnera ligare & obducere studeamus, opera & oleum nobis peribunt, malumque in hac corporis Polonici Cacoehymia ad levissimam quamq; occasionem recrudescet. Neque enim Iesuita, ut cætera omnia sanentur, ad Regni Polonia legumq; Polonicarum similitudinem in æternum reducentur, ut illa sub hoc, qui adhuc qualitercumq; durant, statim probent.

F

Ideoq;

Particularis
purgatio quo-
modo secun-
dum nonnul-
los instituen-
da.

Ideoq; ne eos quidē audiendos censeo, qui ut res minus odiosa sit, non universalem purgationem censent instituendam, sed per partes tantum bilis istius detractionem & imminutionem faciendam putant. Verbi gratia, sunt qui eos tantum extra regnum propellendos existimant, qui vel clandestinarum machinationum contra regnum cooperatores aut saltem cōscii fuisse deprehenduntur, vel quorum seditiosus fervor publica paci precipue periculosus censetur. Sunt qui hanc Jesuitismi diminutionem a locis incipiendam suadent. Vt nempe ex primariis Regni Urbibus aut ubicunq; ab eis Reip. insigne aliquod periculum metuendum esset, removeantur. Sunt denique, qui putent, publica securitati sufficienter prospectum iri, si latis legibus in arctiores carceres redigantur. Hac igitur consilia paucis discutiamus.

De his primum in genere sic dico: Cum quacunq; Jesuitarum offensione, siue eos in universum expellamus, siue audaciam illorum ad certam quotam restringamus, Pontificia indignationis invidiam nobis ex aequo metuendam esse: quam tamen plerique omnium maxime cavendam censent. Hoc saltem discriminis erit, ut si partem aliquam Jesuitismi intra viscera retinuerimus, tanto plus nobis periculi ab eodem pontifice futurum sit. Cum igitur cum particulari offensione tantundem difficultatis subeundum sit, quantum cum totali expurgatione, cur non hanc ut utilissimam & certissimam praeferamus? Immo hanc ego tibi cen- Maximam praescribo: Jesuitas facilius ex regno expulsum, quam intra regnum in ordinem redactum iri.

Dico amplius, eos vehementer errare, qui sperant, Bilem hanc ita cante posse moveri, ut non protinus exardescat & exasperetur, & ut non omnes vindicta occasiones studiosissime conquisituri sint, quodcunq; forte ad tempus, propter praesentem necessitatem simulent. Qua occasiones ingeniis istis intra & extra regnum nunquam defuturae sunt. Quod si ergo, resumptis aliquando animis & viribus, denuo aliquid & forte periculosius quiddam moliantur, quid tum facti opus erit? Num quotannis in Jesuitarum gratiam Generalem Rokosch celebrabimus? Deinde in specie is qui nocentissimum queng; ex Jesuitis exterminandum censent respondeo: Nec causam nec culpam earum rerum, quarum Jesuita insimulantur, ira partiri & separari posse, ut alter altero mitius aut durius tractandus sit. Sic enim jam ostensum est, sectam

Particularis
expurgatio-
nis incom-
moda.

NB.

Jesuitarum
omnium æ-
qualis culpa.

sectam hanc tam arcte inter se compactam esse, ut totum corpus & cum hoc omnia ejus Individua membra, in harum precipue rerum praxi, de quibus nobis sermo est, in unum conspirent, & ad unum scopum mente & corpore ferantur.

In una itaq; eademq; culpa omnes aequaliter barent: differentia si qua est, in ingeniosarum virium saltem inaequalitate consistit, ut quod unus, aut alter fecit, omnes facturi fuerint, si vires aut occasio non defuissent. Nec credo te audivisse quod Jesuita aliquis a tribulibus suis, ob quodcunq; etiam detestandum facinus, publice damnatus aut etiam reprehensus sit. In hoc enim genere non peccant, dummodo facinoris perpetratio in illum finem dirigatur, quem Jesuitis in specie propositum esse ostendimus. Quod autem de nonnullorum seditioso fervore affertur, illud per se speciosum est, ego tamen sic existimo, Illos nondum pessimos aut etiam Reipub. periculosissimos esse, qui Cracovia, Posnanie &c. ades exurant, Cœmeteria invadunt, sepulchrorum corpora refoffa immaniter violant. Contra hanc enim rabiem, Iesuitarum studia quæ nocentissimæ licet in hunc usq; diem impunita manserit, vel tandem remedium aliquod invenietur. Sed illas potius vulpeculas nobis observandas censeo, qui per Sudetas montes Alpiumque juga hinc inde commeantes, exoticarum artium spiritum ferunt & perferant. Denique remedium hoc, si tam benè caderet, ut nocentissimi qui sunt, exterminarentur, nos tamen saltem ad tempus relevaret, dummodo relevaret: tam diu nimirum donec his alii septuplo peiores submitterentur. Num verò hoc satis justum opera precium censi debet? Illius inquam opera, quam Reipub. tantis sumptibus, tanta Nobilitatis defatigatione, nec sine nostro periculo prestare conamur?

Qui verò eos ex Aula & primariis Regni Urbibus expellendos suadent, illi quidem aliquanto fortius consulere videntur, sed non multo plus quam priores proficiunt. Videntur quidem certe Reipub. partes nonnihil sublevare, videntur etiam Jesuitis precipua nocendi occasiones eadem ratione praecidi. Egoq; jamdudum ita persuasus sum, nullum gravius in Rempub. peccatum à nobis commissum esse, quam quod Jesuitis in hisce Regni arcibus ad expediendas suas machinas tantum spacii concessimus. Id quod forte tum demum sensuri sumus, si aliquid fortassis periculi à meridie & occidente nobis ingrueret.

F &

Heic

Secundi con-
fili absurdi-
tates.

Heic tamen admirari cogor, quibus rationibus consilii huius
autores ducantur, quod in Reipub. curatione potiorum Urbium
quam equestris Ordinis, ipsiusq. adeo Cleri respectum habeant?
Eos itaq. libenter interrogarem, quid putent singularis auxilii
ad Rempub. relicturum, si primaria Regni civitates exoneren-
tur, & pestis hac interim libere in Nobilitatem grassetur? sique
peregrinisimo huic liceat reliqui Cleri animos continenter sollici-
tare & in transversum agere? Ecquam illi tum rebus nostris
spem securitatis faciunt? Hi ergo in eo periculose falluntur, quod
existimant, malum Iesuiticum intra Urbium adificia, ita con-
tineri, ut ibidem tantum aut saltem potissimum Reipublica no-
ceat: Cum hac primum ipsius Aula, ut offensum est, deinde pu-
blica animorum pestis sit, a qua Nobilitati & Clero & per hos de-
mum Reipub. precipue metuendum sit.

Propter Cle-
rum precipue
Iesuitæ sunt
expellendi.

Quin immo, dum Iesuitas in universum extra regnum pro-
pellendos suadeo, in eo Cleri Polonici quam maximum respectum
habeo, cuius excessus non aliter, quam bilis huius ferventis sub-
tractione corrigi posse existimo. Ex his ergo iterum perspicitur,
ne huius quidem consilii eum inter nos effectum sperandum esse,
quo nobis ad res nostras componendas & firmandas opus est.

Restant ii qui Iesuitas non solum ex Aula removendos & ex
Urbibus expellendos, sed etiam latis legibus intra Monachorum
claustra redigendos & Ordinariorum jurisdictioni, hoc enim a
nonnullis additur, subjiciendos consulunt.

Tertii confi-
lii vix ullus ef-
fectus spe-
randus.

Videntur & hi aliquanto longius progredi, quibus ego ad vi-
tandam maiorem invidiam omnino parendum suaderem, si nulla
saltem consilio huic spes subesset. Sed hanc sequentia mihi in uni-
versum pracidunt, Primum Iesuitas ita animatos esse certò novi,
ut omnia potius moturi, omnia turbaturi sint, quam ut splen-
doris & estimationis illius, qua ipsorum ordo hactenus supra
reliquos Religiosorum ordines, ipsiusq. Clerum universum emi-
net, vel minimam iacturam subeant. Iesuita autem si ex Aula
excludatur, si in versando Reipub. clavo non omnibus aliis præ-
polleat, si a publico ita arceatur, ut claustro inclusus, alium quam
propriam militia sua Ducem superiorem agnoscere cogatur, si de-
nique omnium arcanorum explorandorum occasio ei adimatur, a
summo ad infima sibi redactus videbitur, ut qui jam nil amplius
quam vulgaris Monachus futurus sit. Quod dedecus Gens ista

non mitiori indignationis affectu averfatur, quam si nobilis ali-
quis Regniq. dignitarius subito in abjectissima plebis censum de-
trudatur. Cælum itaq. potius ruere patientur, quam ut hanc in
se ignominiam admittant.

Est tamen ut heic eos patientiores offendamus, quam ego spe-
rem. Quaro igitur secundo loco, quibus vinculis eos constricturi
simus? Certis legibus, inquit, publicisq. constitutionibus. Bene-
dicis, Egoq. fateor hac iusta esse in Foro politico coercenda libidi-
nis media, quantumvis hactenus per illa non pro spe profecerimus.

Iesuitismi in-
clusi anceps &
periculosa
custodia.

Verum heic ulterius querere cogor, Eccui huiusmodi legum
& constitutionum, si qua facta erunt, executionem commendatu-
ri simus? Ordinariis locorum, respondebis. Ego verò agnosco
ad ipsos munus hoc ex Regni legibus spectare: sed quid si ipsi tam
odiosam Provinciam recipere nolint, aut excommunicationis
Pontificia metum non ausint? Veruntamen si ve recipiant si ve re-
pudient, ne sic quidem Reipub. securitati prospicietur: Primum
enim antiqua illa disciplina severitas apud nos hodie multum re-
misit, qua apud Romanos olim parentes de liberis, si forte in Rem-
pub. peccassent, supplicia sumebant. Verendumq. propterea erit,
ne optimo cuiq. ex hoc ordine, & qui alias in Reipub. rectè af-
fectus est, illud in hac custodia vel imprudenti accidat, quod Vir
ille Dei 3. Reg. 20. in historia Achabi sibi evenisse fingit ut dum
ipse aliis rebus intentus est, captivus, cuius custodiam susceperat,
aufugerit. Deinde experientia testatur, Ordinarios locorum
hactenus magis Iesuitis parere & obnoxios esse, quam quod hi il-
lorum auctoritatem aut jurisdictionem multum curent. Quin
immo hi pro Episcoporum pedagogis se gerunt, quos etiam, ut
Aula Rom. Corycaos, metuere & observare coguntur. Qua-
lem ergo coercionem ab iis expectare poterimus?

Iesuitæ supe-
riorum præ-
latorum præ-
dagogi.

Tertio sic dico, quodcumq. de his omnibus fiat, Nos tamen con-
tra gentem hanc Legibus nostris nihil profecturos, in quo me ex-
perientia ipsa jam erudit. Quid enim? Confœderatio publi-
ca annon Lex est, annon Constitutio est, annon Polonorum ius
est, publicis Regis & Nobilitatis juramentis sancitum & confir-
matum? Sed quid per hanc eandem hactenus contra hanc pestem
Politicam proficimus? Annon rabies ista per hoc efficacissimum
(sic quidem Majoribus nostris videbatur) remedium irritata
potius est quam cohibita? Quam petulanti lingua stiloq. Satyrico

Confœdera-
tio quam ci-
viter hæc-
nus a Iesuitis
tractata.

lavor iste hoc salutare institutum incessit, deridet & exhibet? Tam laxum & molle capistrum Damon iste tam impatienter fert, qua igitur ratione arctius duriusve quiddam feret? Cumq; hoc isti constitutioni faciant, per quam Iesuitismus proprie non leditur, ecquid de illis fiet, quae in suam perniciem factas recordabuntur?

Et quid tandem Iesuitis nos praescribere tentabimus, cum suis ipsimet constitutionibus, quae contra hanc, de qua conquerimur, intemperiem ad speciem inter ipsosmet lata sunt, non pareant? Anno enim superioris seculi 93. Iesuitarum superiores cum animadverterent, Res Gallicas suorum potissimum scelere iam ferme perditas, coacto Roma generali totius Ordinis conventu, statuto sanxerunt: Patres Societatis Iesu, cum omnibus qui ordini illi ascripti sunt, a causis & negotiis secularibus in universum abstinere debere, &c. Huic igitur decreto ecquomodo haetenus inter nos paruerunt?

Sic igitur tandem contra hos etiam concludo, consultius esse ut tam fera Bestia prorsus abdicetur, quam ut Cavea intra domum inclusa, cum perpetuae sollicitudinis cruciatu custodiatur.

Dixi autem, Iesuitas non solum expellendos, sed etiam contra redditum omnia diligenter praecavenda esse. Neq; enim expulsi quiescent, ut non omnem lapidem moveant, quo ipsi redire liceat, ut sic hanc vesti Iesuitica injectam maculam vicissim eluant. De quo nos Gallia admonere debet, in cuius Aula Iesuitarum absentium praeterea tantum potuerunt, ut cum excussi Dentis in ore regio lacuna resarciri nunquam posset, Iesuita tamen, reclamantibus. Parlamentis & obnitente prudentissimo quoq; non solum restituti sint: sed etiam Pyramis illa, perpetrati sceleris aeterna index fuerit demolita.

Hoc autem inter nos hac fortassis ratione omnium rectissime praecavebitur: Si primum bona illorum immobilia in alios usus ad publicam Regni, praecipue tamen nobilitatis, cui major illorum pars detracta est, utilitatem convertantur. Quod sic commodissime fiet: Si bonis literis consultum cupimus, quarum videlicet interitum pleriq; sibi per Iesuitarum expulsionem imaginantur,

Bonorum Iesuiticorum dispensatio.

detur opera, ut ex iisdem Cracoviensi Academia de viris bonis, doctis & in omni disciplinarum genere probe versatis extra ordinem prospiciatur: Aut si ita placet, praeter hanc alia intra regnum Academia instituatur. Deinde alibi in regno schola hinc inde aperiantur, in quibus non solum eruditis Praeceptoribus honesta stipen-

stipendia constituentur: sed etiam pauperibus Scholasticis, iis nempe qui ingenii valent, sed propter fortune tenuitatem literarum studia commodè prosequi nequeant, de victu & sustentatione provideatur. Idq; tanto majori cura, quod ex Nobilitate etiam omnibus temporibus inveniantur, qui huiusmodi studiorum subsidii opus habent. Et hac ego districtum in regno ceu publica Gymnasia esse vellem: Quorum cura & inspectio certis ex Nobilitate utriusq; ordinis viris & qualificatis personis commendari posset. Hoc si fieret, Iuventuti nostra, qua in spem honorum & ad Reipub. ministeria educatur, cum pietate & bonis literis Patriae Legumq; patriarum & reverentia à teneris implantaretur, & Reipub. de viris idoneis ad eum modum prospiceretur, ut eadem ab exterorum factionibus & insidiis minus periculi esset. Iesuitarum etiam expulsi prorsus desiderium si quod erit, intra paucos annos prorsus evanesceret & obliteraretur.

Tertio si quid superest, ut omnino superfuturum puto, publica ex eo Nosocomia instituantur in eorum usum, qui in bellis se pro Repub. strenuè gesserunt, & vel vulneribus debilitati sunt, vel per aetatem militia labores non amplius perferre possunt &c. Vt hac militaris virtutis quasi Asyla constituentur, ubi benemeritorum & emeritorum illa non turpis senectus honestè & liberaliter sustentetur. Cuius sanctissimi & utilissimi Instituti exempla in Urbibus Belgicis me videre memini, cuius etiam specimen nobis praeiit laudatissima memoria R. Stephanus, quando VVarsovia huiusmodi pro debilitatis militibus Xenodochium instituit & dotavit. A cuius tamen praecara & plane regia voluntate & intentione nimis citò recessum est.

Nec ego video, quomodo Iesuitarum bona vel sanctius vel utilius collocari queant: Ita nimirum ut quae semel piis usibus destinata sunt, iisdem maneat, & ipsius interim Nobilitatis damnum, quod à Iesuitis Iesuitarumq; artibus se accepisse queritur, aliquo modo resarciatur, & sic Reip. commodis utrobique optime cōsulatur.

Facta ad eum modum bonorum Iesuiticorum dispensatione per peculiare statutum sub infamia aut alia aliqua severa poena interdicti posset: Ne quis primum de revocandis aut admitendis Iesuitis ullo tempore publice aut privatim mentionem facere ausit. Neve deinceps ulla ex Regno juvenis, nobilis praesertim, à cuius salutari institutione Patria salus pendet, ad Iesuitas extra regnum se conferat, iisdemq; se disponendam committat. Ne dum domi in

Militum emeritorum Nosocomia

Statutum de Iesuitis non revocandis.

expurgando Jesuitarum fermento laboramus, illud ab extra nobis nihil tale suspicantibus obrepit.

Typographis
frenum in-
jiciendum.

Tandem opinor diligenter provideri oportere, ne per Officinas Typographicas talia in publicum spargantur, quae praesenti Reipub. status & Regni huius libertati quocumque modo adversantur. Qualia nimirum illa haecenus fuerunt, quae Iesuita adhuc sub moderna Regia Majestatis regno, Cracovia & alibi contra confederationem publicam in vulgus ediderunt. Talia inquam quae per ipsorum jugulum reditura fuissent, si Legum publicarum is vigor, ea observantia in Polonia esset, qualis in bene constituta Reipub. esse debet. Vbi tamen & a fratribus ista hoc insuper dolo ut plurimum usa est, ut huiusmodi pestilentia scripta sub alienis, certorum nimirum Praetorum, nominibus emiserint: Vt nimirum hac ratione universum Clerum in invidia publica consortium pertraherent, & disperso in plures facinore, ejus vindicationem Reipub. difficiliorem facerent.

Hac inquam ratione, si in Matris nostrae Reipub. Polonica curatione procederetur, ita nimirum ut in huiusmodi processu sororum ejus Europaeorum antegressa Vestigia intente observaremus, tum demum de mediationis successu spem aliquam mihi imaginari & tibi etiam, mi Frater, polliceri possem. Sic etenim peregrinissimum illam, ut ita loquar, à quo nobis non abs re metuimus, inter nos eradicatum & penitus obtritum iri considerem: Vt ipsum primum Clerum, cujus ad efficiendum statum publicum permagnam vim esse nostri, commodiorem, & publicarum legum, sicut & patriae libertatis studiosiorem simus experturi, quam haecenus eum in rebus maximi momenti experti sumus. Deinde si in Reipub. administratione, circa rerum Polonicarum caput aliquid vitii apparuit, aut negligentia aliqua nota fuit deprehensa, opinor & illud remota hac corruptela paulatim emendari posse & restitui, idque citra omnem tumultum & perturbationem. Tandem in ipsa etiam Aula illud factionum studium, quod haecenus iustitia valde inimicum sumus experti: paulatim residebit & extinguetur. Sublataque & quasi obstructa hac capitali dissidentia, & publica indignationis scaturigine, omnes Regni partes & ordines sub unanimi pacis studio denuò inter se coalescent, & sic tandem Reipub. totius corpus pristina sanitati restituetur.

Quam diu vero hoc negligetur, nostris legibus, constitutionibus, confederationibus, congregationibus nil amplius efficiemus, quam ut irritato malo Reipub. scissuram amplificemus, dum ignis qui ad momentum sopitus videbitur, denuò erumpens majorem fragorem edet.

Hac sunt mi Frater, quae in praesenti ad rerum nostratum statu ejusdemque correctione mihi in mentem venerunt, quae tuo iudicio subijcere velui.

Si quae autem praeter hac desideraveris, illa vel aliunde commodius petere, vel eorundem disquisitionem in nostrum congressum differre poteris. Vale Deo, Patria, tibi tuisque.

F I N I S.

